

# Wantok

20t

## Plis Na Difens Pait Gen



### Stail Kanu pes 4

Pul bilong kanu bilong Pater Urban. Yu lukim kruse i gat tupelahan na huk wantaim stap antap long en.

## We Ikam Somare



Moa long 200 pipel i bin kamap long Wewak ples balus long tok welkam long Somare.



Tim bilong Demons. Dispela tim i winim Mosbi netbal gren painal taim ol i pilai wantaim Nu Nesen. Kas bilong ol. Ol i moa yet long pilai netbal.

## Mosbi Netbal Sempion

## Redi Long Komonwelt Gem



Bihain long trabel namel long ol soldia na plis, ol Militeri Plis i sambai i stap long rot long Mari Bareks long stapim trabel.


## Insait

### Mit Faktori pes 3



### Ol nupela memba pes 15

### Pukpuk bilong Hailans pes 5



Vincent Kokovi bilong Not Solomons i-bin pilai boksen inap 4-pela yia nau. Vincent em wanpela bilong 8-pela PNG boksa long pait long Komonwelt Gems.



## BIKPELA MANI LUS NATING

Long taim nupela gavman i kamap, i gat planti senis i save kamap. Long wanem aidia bilong ol long ranim kantri i narakain long olupela gavman.

Yumi olgeta i luk save long dispela samting. Wanem kain senis gavman i laik mekim, em i samting bilong en. Tasol mobeta gavman i mas skelim pastaim tingting bipo long em i kirap na mekim ol senis.

Long dispela wik yumi lukim wanpela gutpela eksampel. Namba Tu PM, Paias Wingti, i tokaut olsem gavman bai pasim Kundiawa ples balus na kirapim ples balus long Kerowagi.

Gavman bilong Chan - Okuk i bin lusim moa long K270,000 olgeta long mekim wok long Kundiawa ples balus.

Planti tok kros i kamap nau long ol pipel bilong provinsal gavman na ol pipel bilong Simbu i tingting planti. Em pasin bekim o olsem wanem? Long wanem Paias Wingti, i no tok klia long as bilong dispela senis.

Dispela senis bai kos bikpela mani tru. Long wanem gavman bai painim gen mani long kirapim wok long Kerowagi ples balus.

Yupela bikman i gat pawa. Tasol mobeta yupela i tingting na skelim gut pastaim na opim maus. Wanem kain belpen bilong yupela em i samting bilong yupela stret. No ken larim dispela belpen bilong yupela i bagarapim PNG.

# Ol Meri Bilong Plisman Protes

LONG Fraide 13 Ogas, 11-pela tok meri husat i sanap makim ol meri bilong plisman i go bung wantaim Minista Bilong Plis, Mista John Gehano long Plis Hetkwata, Konedobu.

As bilong dispela miting em long tok strong long Plis Fos long i no ken salim Sep- len long go mekim ol wok kuskus insait long Plis Fos.

Jacinta Konda, maus meri bilong ol i tok, ol i laikim Seplen insait long Plis Fos i mas sindaun na helpim laip bilong famili na ol meri na pikinini. Ol i tok, em dispela man tasol i ken harim wari bilong ol. Sapos Inglis bilong ol meri i bruk bruk ol arapela opisa i no inap harim.

Na tu taim pikinini o mama i dai, Seplen tasol i save hatwok long salim pikinini o meri i go bek long ples. Dispela ol i tok, em i no gutpela pasin. Ol i tok ol Plis Fos i mas helpim ol tu long taim kain hevi olsem i kamap. Minista Bilong Plis i bekim bek na i tokim ol, "Mipela i laik givim tupela wok



Ol meri bilong plisman i sindaun toktok wantaim Plis Minista, John Gehano. Misis Jacinta Konda i sindaun long fran.

long Seplen bikos sapos ol i wok olsem bai Plis Fos i sevim K5,000 long ol wan wan Sep- len long olgeta yia." Dispela wok kuskus ol Sab Inspekta i save wokim nau.

Minista i tok, "Taim Seplen i save go raun long arapela taun long mekim wok, em i save

kostim Plis Fos K34, 000 (3 tausen) long baim ples bilong slip na kaikai na balus long olgeta yia. Na tu K80,000 (80 tausen) olgeta i go aut long olgeta wok Sep- len." Tasol ol meri i tok long Plis Fos K5,000 em i no bikpela mani long pasim. Em samting


nating. Insait long dispela kibung tu, Minista tu i tokim ol meri i gat planti misineri i stap klostu i ken helpim yupela. Tasol ol meri i tok strong tumas olsem ol i laikim Seplen tasol. Long wanem em wanpela i save long wari bilong ol. Minista i harim wari pinis na tokim ol meri, "Inap mi toktok wantaim bos bilong Melanesia Kaunsil Ov Sios mi no inap givim dispela namba tu wok long ol Seplen." Em tokim ol meri bai em bekim bek dispela wari bilong ol 3-pela wik bihain.

## Lae Lods Senisim Pes

LAE Lods bai mun Februari, 1983. Planti manmeri long PNG na ol turis bai amamas tru long go kisim rum na pinisim laik bilong ol insait long Lae Lods. Menesa bilong Lae Bildas na Konstraksen na Dairekta long Salamaua Holding Kampani, Mista Bob Sinclair, i bin mekim dispela toktok. Em i tok pe bilong ol rum pasindia wankain olsem pe bilong Melanesian Hotel na Huon Galp Motel long Lae.

Lae Bildas na Konstraksen Kampani i winim pinis K375,000 kontrak long mekim dispela wok. Ol bai wokim 20 rum olgeta na stretim ples bilong slip. Dispela kampani i ting olsem bai olgeta wok bilong stretim Lae Lods i pinis stret long namba wan de bilong 110 manmeri.

## Sori Poro Yu Bai Lus



Sori wantok, nogut yu lukim dispela poto na yu ting ol man bilong PNG i kamapim wanpela nupela masin bilong givim win. Nogat ya. Dispela samting em i wanpela wil bilong pilai laki. I gat namba ol i raitim na yu bai baim tiket i gat wankain namba olsem long wil. Bihain long yu baim tiket, man i bosim wil bai tanim wil. Na sapos em i stap long namba bilong yu. Yu win. Dispela poto ol i kisim long Boroko maket.

## TAMBU TORO



KOMONWELT GEM - Gavman i givim pinis K10,000 i go long Komonwelt Gems tim bilong PNG. Na nau dispela tim i gat moa long K37,000 olgeta.

WANTOK NIUSPEPA

Nius i kamap 52 taim long yia nau.

Opis bilong Edita na Edvetaising long P.N.G. P.O. Box 1982, Borko  
Telepon : 252500 Teleks. NE 22213  
Edvetaising - Ph : 25 2304

LAE  
Telepon - 42 2516

PE BILONG WANPELA YIA, 52 NIUSPEPA

Ples	Air	Surface
Port Moresby	-	K 13.52
Rest of PNG	K	26.00 K 26.00
Australia & Solomons Is	A\$	65.70 A\$ 44.42
NZ & Pacific Island	US\$	85.80 US\$50.00
America & Europe	US\$	132.60 US\$66.30

# Pasin Bekim

LONG mun i go pinis, wanpela plisman i kisim sotgan na sutim bikman bilong ol raitkwat plisman insait long Hailans.

Bikman ya, Francis Kumbia i dai wantu tasol. Plisman i sutim em ya i bin i gat liklik sik longlong na em i bilong Simbu. Francis em i bilong Sepik.

## G. Rainsau

Na nau long sampela hap bilong Sepik, ol wantok bilong Francis i laik bekim dispela rong. Olsem na planti Hailans i pret na i laik ranawe o transfea i go wok long ol arapela hap.

Insait long Maprik, wanpela man Hailans husat i wok long Kopi Industri Bot i abrusim birua tripela taim nau. Man ya, Balik i bilong Isten Hailans. Long namba 10 de bilong mun Julai, em i kisim ol lain bilong em long ka lusim Maprik na i laik go baim pis long Pagui.

Ol i go baim pis pinis long Pagui na i kam pasim ka long baim sampela samting long stua. Ol yangpela boi i sanap arere i stap ya i kam pasim rot nau na stat askim ol sapos ol i bilong Simbu. Balik i tingim ol lain bilong em na i no laik tok kros wantaim ol boi ya.

Ol i hatim tok i go i go na longpela taim liklik nau, ol boi i bilip olsem, Balik na ol lain bilong em i bilong Isten Hailans na i no bilong Simbu. Orait, ol i larim ol i go.

Orait, long Julai 17, laki tru Balik i lusim haus bilong em long Bainyik na i go long Maprik long nait. Bikos samting olsem 7 klok

long nait, sampela yangpela boi i kam painim em long haus nogat nau, na ol i bagarapim tru ol samting ausait long haus. Wokim pinis, ol i painim em i go daun long Maprik.

I go painim em i stap stret long Plis Klap na em dring wantaim sampela plisman i stap. Orait, ol boi ya i pret na i no go insait. Ol i sanap wetim em klostu long ka bilong em.

Ol i no sanap nating. Nogat. Ol i autim ol taia long ka na ol i autim ol raba i save pasim graun malumaul long flai lusim wil i kam insait long ka. Ol i wet i stap. Long taim klap i pas nau, ol i lukim em i kam ausait na ol i go hait gut i stap.

Balik i kam lukim ka bilong em na em i belhat nogut tru. Tasol em i save pinis watpo ka bilong em i bagarap. Orait, em i sindaun i stap long putim bek ol taia.

Em i no taitim gut ol taia na ol boi ya i kamaut long ples hait bilong ol na stat tok hat long em. Ol i tok hat na klostu ol i laik tromoi han long em. Tasol em i go daun isi tasol kisim ol ston na i laik autim tiket bilong ol. Em nau ol i ranawe.

Em i go bek lukim haus i bagarap. Na long nait em i go slip wantaim sampela wantok. Nau em i tok long transfea i go long arapela hap. Wanpela arapela famili tu i wok long DPI bai lusim wok na i go bek long ples. Bihain ol belpen indai, orait, ol bai kam bek. Famili yet i bilong Minj. Ol arapela famili na ol studen tu i raun wantaim tingting bilong dispela trabel.

# Plis na Difens Pait Yet

LONG 6 klok apinun stret long Mande Ogas 16, bikpela belo bilong ami i krai long Mari Berek, Mosbi. Planti soldia i ran wantaim yunifom i go pasim bikpela rot na get. Na ol i pasim olgeta ka long bikrot na lukluk long ol man.

Sampela i singaut, "Plisman i kilim wanpela soldia. Plisman i kilim wanpela soldia." Ol soldia i ran nabaut i go i kam.

## BEN WAUNS

Ol man nating i lukim bai ting wanpela bikpela woa i laik kamap. Tasol nogat. Em pait bilong ol soldia na plisman yet insait long Mosbi Siti.

Dispela pait i bin stat long las wik Tunde, Ogas 10. Hawks Ragbitim i bin winim Difens 16-13. Sampela sapota bilong Difens wantaim sampela soldia i kirapim pait wantaim ol pilaia bilong Hawks. Ol plisman i laik stapim dispela pait. Tasol nogat.

Sampela man nabaut wantaim sampela soldia i tanim na bagarapim plis patrol ka. Em nau. Ol plisman i bung na kirapim pait wantaim ol lain soldia long Mari Berek long biknait.

Na long Sarere, Ogas 14 dispela trabel i kamap gen long PRL graun. Paga Pantas tim i winim Difens gen 30 - 16 long pilai ragbi.

Sampela soldia wantaim man nabaut i kirapim pait wantaim ol pilaia na sapota bilong Paga. Ol i brukim haus na banis bilong ragbi graun.

Ol plisman wantaim



Militari Plisman bilong Difens Fos wantaim Plis Rait Skwat i bung na stretim toktok. Ol i traim stapim bikpela pait i kamap namel long ol plisman na soldia long Mande nait 16 Ogas.

militri plis bilong Difens i hatwok tru long stapim dispela pait. Tasol sampela man i tanim gen na brukim winglas, lait na bodi bilong planti plis ka. Dispela i mekim na plisman i subim tok long soldia. Na ol soldia i putim dispela hevi i go long ol plisman gen.

Ol bikbos bilong Plis na Difens Fos i bin bung wantaim long stretim toktok bilong dispela trabel.

Komanda bilong Difens Fos, Brigedia - Jeneral Gago Mamae i wok long painimaut as bilong dispela trabel long ol soldia yet. Na wanpela senia opisa bilong Plis tu i stretim na painimaut asua namel

long ol plisman.

Long namba wan pait stret, moa long 10-pela soldia i bin go insait long kalabus. Militri Plis bilong Mari Berek i holim pasim ol na putim long haus kalabus bilong ol yet. Ol bikman bilong Difens Fos bai sasim ol.

Plis i no tokaut yet long hamas man ol i holim pasim long namba tu pait. Tasol wok - painim insait long dispela trabel i wok long go het yet.

Tasol long Mande, Ogas 16 plis i bin pasim wanpela soldia long gan. Dispela soldia i wok long dring bia wantaim ol poroman bilong em. Ol i sindaun long baret klostu long

ol stua long Tauraman Soping Senta.

Ol plisman i go daun na tromoi smok bom long ol dispela soldia na ranim ol. Ol plisman i bihainim ol soldia i go daun klostu long Tabari Ples, Boroko.

Ol narapela soldia i ranawe i go long Mari Berek na toksave long dispela trabel. Bihain samting olsem 200 soldia bilong Mari Berek militri plis i stapim ol.

Wanpela mausman bilong Plis, Mista Warrenner i tok ol dispela lain soldia i spak na mekim nabaut long bikrot na pablik ples. Tasol em i no ting plisman i yusim gan long sutim dispela soldia. Em i tok tu olsem plisman i

traim mekim gutpela wok bilong ol. Ol i lukautim ples na stapim trabel. Sapos trabel i kamap, em i wok bilong ol long stapim.

Mista Warrenner i tok, "Plisman i no laik pait wantaim ol soldia. Ol i traim long stapim pait. Tasol kain kain toktok i kamap nabaut na mekim plisman i birua long ol soldia. Dispela kain pasin i no gutpela tumas."

Dispela kros namel long Plis na Difens Fos i stap yet. Nau wanpela soldia i kisim bagarap na slip long haus sik. Ol soldia long Mari Berek i no inap lus tingting long dispela birua.

# Provinsal Gavman Laikim 5-pela Yia

MADANG Provinsal Gavman i laik skruim taim bilong provinsal gavman i go long 5-pela yia olgeta. Nau provinsal gavman i gat 4-pela yia long mekim ol wok bilong em.

Namba tu primia, Galeng Lang i tok, dispela tingting i no kamap tasol long ol memba bilong provinsal gavman. Em i tingting bilong ol viles lida na ol kaunsil bilong Madang provins tu. Mista Lang i tok, "Dispela tingting bilong putim wanpela yia moa antap long 4-pela i no kamap lo yet. Na ol memba bilong provinsal gavman i wet tasol long bekim i kam long Nesenel gavman."

Long las miting long Ogas 3, planti memba bilong provinsal gavman stret i no bin toktok tumas long dispela wari. Planti bilong ol husat i toktok long dispela em ol kaunsila na lida bilong viles.

Tasol long taim ol i vot long skruim taim i go long 5-pela yia, 3-pela vot long 5-pela i winim vot bilong 4-pela man tasol i sapatim na olgeta memba i engensim.

Madang provinsal gavman bai wet liklik long kisim tok orait i kam long Nesenel gavman. As bilong dispela wari em long wanem, opis bilong Bosim Ol Provins i no sanap strong yet long taim gavman i senis.

Opis bilong Minista i bosim ol Provins, Mista John Nilkare, i tok, minista i gat planti wok na i go long ol kibung. Na em i no gat planti taim long stretim gut ol wokman na wok long opis bilong em.

Long las miting bilong ol memba bilong Madang Provinsal Gavman long 3 Ogas, Galeng Lang i tok, "Mipela planti memba i tok mipela i laik bai Madang provins gavman i mas kisim wanpela moa yia antap long 4-pela i stap pinis.

Dispela i no namba wan taim ol provinsal gavman i tingting long skruim wanpela yia moa." Em i tok Madang i namba foa provins long tingting long mekim dispela samting.

Em i tok tu olsem, "Aidia bilong skruim wanpela moa yia bilong ol provinsal gavman i no nupela samting. Bihain long independens nesenel gavman tu i bin skruim wanpela yia moa na mekim 5-pela yia olgeta long laip bilong palamen."

Galeng Lang i tok tu olsem ol i no bihainim tingting bilong nesenel gavman tasol. Ol memba bilong Madang provinsal asembli i ting olsem 4-pela yia em i no inap. Long wanem ol memba i no inap wok gut long gavman.

Galeng Lang i tok, planti memba bilong Madang Provinsal Gavman i no gat bikpela save tumas long wok politik.

Em i tok, olgeta i no greduet long Yunive-

siti. Planti bilong ol memba i gat strong long toktok, tasol ol i mas kisim save long sanap na toktok long asembli tu.

Em i tok, "Mipela i no tingting long amamasim ol memba long mani na sindaun bilong ol na mipela i

laikim wanpela moa yia. Dispela em i tingting bilong planti pipel long Madang.

Ol pipel i ting 4-pela yia em i sot tumas long ol memba long helpim ol long kamapim ol developmen long ol viles.

• Benny Bogg

# TIN MIT FAKTORI


GAVMAN i bin givim pinis tok orait long kirapim wanpela tin mit faktori insait long Lae Siti. Wanpela kampani bilong Australia, J.C. Huttons bai kirapim projek bai helpim PNG Gavman long pasim K5 milion kina olgeta long baim ol tin mit i kam long ovasis.

Dispela kampani tu bai gat spes long 12-pela wokman. Olpela gavman i no bin givim tok orait long dispela kampani taim ol i askim Nesenel Invesmen Developmen Autoriti

(NIDA). Olsem na wok bilong kamapim tin mit i no kirap hariap.

Kampani i ting Lae em i gutpela hap bilong kirapim dispela faktori. Long wanem em i stap namel tru long olgeta biktaun. Na em i stap klostu long gutpela graun bilong kisim ol bulmakau. Dispela bai givim bikpela helpim tru long ol husat i gat bulmakau bisnis long Makam Veli.

Long dispela taim PNG i wok long kisim 11,000 tan hevi bilong ol tin mit i kam long ovasis. Tasol faktori ya i ken kamapim samting olsem 4,000 tan hevi tin mit.



Balik i sanap wantaim pikinini bilong em. Pasin bekim i mekim na em i no amamas long stap long Maprik.

# We Ol Kanu I Gat Stail

I gat wanpela ples long nambis bilong Wes Sepik we ol kanu i gat bilas na kaving na kala, na ol pul bilong kanu tu. Na ples ya i pulap tru long kanu. Olsem ol manmeri bilong strongpela graun i save wokabaut long lek o long wil bilong ka na trak, ol pipel hia i save wokabaut long kanu. Ol liklik boi na meri i no pasim klos yet, ol i wokabaut wantaim liklik kanu pilai bilong ol.

Dispela hap mipe-la i stori long en, nem bilong em Sissano na Warapu long Sandaun Provins. Tupela ples ya i nambawan tru bilong sindaun. I gat samting olsem 3,000 pipel i stap hia, na ol i laki tru.

Pastaim ol i sindaun long nambis tasol. Na i gat wan wan baret na wara i lusim ples na i go insait long bus. Na ol maunten i no stap longwe tumas. Hia i gat planti saksak na gutpela graun tru bilong wokim gaden.



Long yia 1907 wanpela samting nogut i bin senisim laip na sindaun bilong ol Warapu. Long nait bilong Desemba 15 wanpela bikpela guria i kamap, na olgeta graun nabaut long ples Warapu na Arop i go daun. Viles Warapu i go daun olgeta aninit long wara. Na olgeta hap nabaut long Warapu i go daun na solwara i resis i kam insait. Olsem na tude i gat wanpela bikpela raunwara i stap yet. Tasol em i no daun tumas, yu ken wokabout insait long en. Na sapos i gat draiwara, bai spitbot i no inap ran. Moto bai paitim wesan.

Taim solwara i kam insait nambawan taim, em i karamapim olgeta kokonas na haus bilong ol Warapu. Na 2,000 pipel i kalap long kanu bilong ol na i go long bus i no longwe, long ples ol i kolim Aroporo. Bihain ol i kam bek long nambis na ol i sindaun klostu long ples we viles bilong ol i bin go lus long wara. Na ol i stap hia inap tude yet. Isi isi dispela viles bilong bipo i wok long kam antap bek. Long wanem, solwara i tro-moim wesantap long en, na ol baret i kam long ol maunten i bring-im graun i kam.


Tasol dispela raunwara i nambawan ples tru tude bilong painim olkain pis na abus bilong solwara. Long olgeta hap ol meri i ken lusim kanu bilong ol, na sanap long raunwara na painim abus. Na dispela wara i hap solwara na hap kolwara. Em i nambawan tru bilong waswas na swim. Na i no gat pukpuk long en.

Nabaut long olgeta hap yu ken lukimol mangro i gro - na ol kindam na longpela tel na kramsel i hangamap long rop bilong ol. Na klostu tu i gat ol kokonas is tap. Na saksak tu i no longwe.

Na nabaut insait long ol liklik han wara i bung wantaim raunwara ya, ol meri i save wokim ol banis pitpit. Long taim bilong haiwara ol i opim dua na ol pis i save kam insait. Long taim bilong draiwara, ol i pasim dua, na wara i ranawe na ol pis i kalabus na i wetim sospen bilong ol meri.

Long arasait bilong ples i gat nambis i stap na longpela wesantap. Ol pipel long dispela

taim bilong win ol i kolim Rai, ol i wokim ol haus slip long nambis na ol i stap olgeta. Long apinun ol i hangamapim ol net bilong ol insait long wara. I no gat rip i stap, wesantap. Long nambis sampela ol i yusim ol por - em kanu i gat siaman. Na sampela i yusim ol kanu i gat siaman.



Long Sissano na Warapu yu no ken lukim planti moto i stap.

Nogat. Ol pipel i pulim kanu tasol, o ol i sel i go i kam. Na ol kanu i bilas naispela tru. Long olgeta hap yu ken lukim ol man i wok long nambis aninit long ol kokonas na ol i sapim ol kanu. Na sampela narapela saveman i wok long bilasim. Ol i katim ol mak na disain na kain kain pis long sait bilong kanu, stat long fran na i go inap long baksait bilong en tru. Bihain ol i pentim long blupela na retpela na waitpela kala.

Sapos yu lukim gut ol dispela mak, bai yu painim sampela nus na ai na maus na pes na pis na tri samting. Tasol man i kavim ol dispela mak, em i no bihainim laik bilong em tasol. Nogat. Wan wan lain na bikfamili bilong Warapu i gat stail bilong en stret. Na i gat 5-pela lain long Warapu. Man o meri bilong narapela lain i tambu long bihainim na kavim stail bilong narapela lain. Olsem tasol na yu ken lukim kanu i ran, na wantu yu ken save, man o meri insait long kanu i bilong wanem lain.

Na ol pul bilong kanu tu i wankain. I gat pul bilong ol meri, em ol i sapim long ton o garamut samting na i no longpela tumas. Na em i gat bilas na kala na mak bilong lain bilong meri. Pul bilong man em i long kwila na em i longpela moa. Na em tu i gat stail na kala bilong en yet. I no gat wanpela man o meri o pikinini inap long stilim pul bilong yu. Nogat. Olgeta man i ken lukim mak bilong en.

Pater Urban bilong Sissano na Warapu em i gat wanpela liklik dingi wantaim autbot moto. Orait, ol man i bin wokim wanpela pul bilong Pater stret. Yu lukim, na wantu yu ken save em i bilong Pater Urban, long ol mak bilong en tasol. Long wanpela sait bilong pul i gat wanpela kruse i gat tupela han bilong em. Em i makim wanpela ples bilong



Pita Nyepoi bilong Warapu viles long Wes Sepik. Em i man bilong bilasim ol kanu na pul. Em i holim ol naip em yet i bin wokim na sapim bilong mekim wok bilong em.

kantri Frans, ol i kolim Lorraine. Na aninit i gat wanpela liklik huk mun i stap na wanpela sta i lait antap long en. Dispela em i mak bilong Afrika.

Dispela tupela samting i gat spesel mining long laip bilong Pater Urban. Long taim bilong woa em i wanpela pailot. Na taim em i flaim balus long Yurop, lain pailot bilong em i gat dispela man bilong kruse. Na taim ol i pait long Afrika, ol i gat dispela mak bilong Afrika.

Na sapos yu tanim dispela pul bilong kanu nau, bai long hapsait yu ken painim tupela samting moa i bilong Pater Urban tupela samting moa i bilong Pater Urban stret. Antap ol man i bin kavim na pentim wanpela bikpela leta T. Dispela samting ol i kolim "tau." Tau em i nem bilong dispela leta "t" long tok Grik. Na dispela em i mak bilong ol Fransiskan, em i bin laikim dispela mak tumas, i olsem mak kruse bilong em. Pater Urban i yusim dispela mak, long wanem, em i wanpela Fransiskan.

Na aninit long dispela mak T, ol man i bin sapim na kalaim wanpela balus bilong pait. Em i wanpela balus bilong Englan ol i kolim "spit-paia." Long wanem, Pater Urban i bin pailotim dispela kain balus, long taim bilong woa.

Nau yu ken lukim olsem wanem na ol sapman i ken kavim na pentim pul bilong yu

stret, na i no gat narapela man o meri o pikinini inap long stilim. I olsem nem bilong yu stret i sainim dispela pul.

Long Warapu na Sissano ol pipel i save bilasim ol tul bilong wok bilong ol tu. Ol meri i save yusim wanpela samting i luk olsem sotpela pul bilong kanu, bilong tanim saksak long taim ol i kukim long wara. Na ol i gat narapela sotpela raunwara diwai i olsem wanpela bat bilong pilai sof-bal. Na dispela em i bilong paitim ol taro na yam, long taim meri i kukim. Ol dispela tul bilong wok long haus kuk, ol tu i gat kala na bilas bilong ol stret.

Ol meri Warapu na Sissano i save holim wanpela narapela spesel stik tu. Em tu i luk olsem wanpela pul bilong kanu. Bipo ol meri i save go insait long pait na helpim man bilong ol wantaim dispela stik. Na ol inap yusim dispela stik bilong brukim graun long gaden. Meri inap paitim man bilong em tu long dispela stik, sapos em i painim man ya i bin prenim sampela arapela meri. Tude meri i save yusim dispela stik bilong karim wara i kam long ol planti hul wara i stap nabaut long viles Warapu. Meri em i save wokim baket long skin bilong limbum na skelim tupela baket long dispela stik na karim i go antap long sol bilong ol. Dispela stik tu i gat bilas long en.

Wanpela man bilong Warapu i gat biknem

long sapim na kavim ol kanu na pul na ol tul meri i save yusim long haus kuk, em i Pita Nyepoi. Pita i gat 75 krismas pinis. Bipo tru em i skul long Sissano long Tok Jeman. Na bihain em i go skul long Marange Katekis Skul klostu long Boikin na i kam bek na i tis long Sissano. Bihain woa i pinis, em i wok long lukautim nupela skul na haus lotu long Warapu.

Papa bilong Pita yet i bin skulim em long pasin bilong kavim na sapim, na makim na pentim ol kanu na pul samting. Pita i no save holim ol naispela sisel na maisel olsem sampela man long Sepik. Nogat. Em yet i bin wokim olkain liklik naip long ol naip yumi save yusim long taim yumi kaikai. Em i bilong sapim ol wantaim sapston o wanpela fail.

Em i samting bilong saveman bilong kaving, olsem Pita Nyepoi, long wokim ol nupela mak bilong wanpela lain pipel. Bipo, na tude yet ol sampela lain i ken baim ol mak na disain bihain long wanpela saveman olsem Pita i bin wokim.


I gat planti kanu na pul moa long dispela hap bilong Warapu na Sissano. Na long wan wan ples i gat sampela spesel saveman i save wok tasol long katim mak na pentim ol kanu na pul. Ol pipel hia ol i laikim tumas bai ol samting bilong wok bilong ol i naispela na i gat bilas long en. Em i gutpela tingting tru.



Angela Tulaal bilong Warapu viles, Sandaun Provins, i soim pasin bilong yusim stik bilong pait long karim wara i kam long tupela basket limbum.

# Isten Hailans Kalsa Senta Redi Long So

**ISTEN Hailans Kalsa Senta long Kainantu, i wokim ol sospen graun na sampela ol kain stail antap long ol laplap na ol arapela kain samting**



Tane Biosi i wokim wanpela sospen graun. Ol i redi nau long Goroka So.

olsem, long brin-gim long Goroka So.

Dispela so bai kamap long 28 na 29 Ogas.

Kalsa senta bai soim ol stail olsem na stail klos long Bird ov Paradais Hotel long Sarere nait 28 Ogas.

Isten Hailans Kalsa Senta i bin stat ong yia 1974. Menesa na dairakta bilong dispela senta Misis Muriel Larner i tok, "Long 1974 mi traim statim dispela senta. Mi kisim wan wan manmeri i kam long baksait long haus bilong mi, long wokim ol sospen graun na ol kain samting olsem."

"Tingting bilong mi em long helpim ol manmeri husat i stap nating. Olsem na mi strong long kirapim kain senta olsem. Na nau dispela kalsa senta i gat 26 manmeri husat i wok fultaim."

Bipo, nem bilong dispela senta em Kainantu Kalsa Senta. Tasol long 1981, nesanel na provinsal gavman i bung wantaim na givim K170,000 i go long

Kainantu Kalsa Senta. Long dispela taim ol i senisim nem i go long Isten Hailans Kalsa Senta.

Misis Larner i tok, "Mipela i save kisim planti oda i kam long ol spot klap long printim ol siot bilong ol. Dispela ol klap i stap insait long Kainantu na Goroka taun. Nau long dispela taim mipela i wok long printim sampela yunifom bilong hotel."

Dispela Isten Hailans Kalsa Senta i gat tupela hap long en. Wanpela hap em Kainantu Poteri na narapela em Isten Hailans Prints."

Misis Larner i tok, "Dispela tupela hap hap i bung wantaim long wokim ol sospen graun na printim ol siot. Senta i save op long olgeta de we ol pablik i ken go lukluk raun. Planti manmeri i save kamap long lukluk long ol samting insait long senta long olgeta de."

Sapos yu husat man i stap long Goroka o Kainantu i gat gutpela aidia long helpim kalsa


senta go het, bai mi amamas long harim tingting bilong yu."

Narapela projek Murriel Larner i tingting long kirapim em long wokim wanpela bikpela haus bilong mekim kamap ol pilai ol PNG manmeri raitim. Tasol nau ol i sot long mani.

Muriel i tok, "Mipela i traim kisim ol man husat i marit na tupela meri bilong em i no gat wok. Planti ol meri bilong ol man husat i wok long beng na plis na opis i kam askim long wok long senta, tasol mipela i save tokim ol long wet."

"Wok bilong mipela i orait tasol na mipela i no gat bikpela wari tumas. Liklik wari bilong mipela em long painim we bilong kisim inap mani long skruim wok bilong senta i go bikpela."

Benny Bogg



Mongon Biosi i wok long tanim tret long gras bilong sipsip long Isten Hailans Kalsa Senta.

Poto - Kevin Murry

## Hailans Pukpuk

ASPLES bilong ol pukpuk em long Sepik na Daru. Tasol long tude, i gat wan wan pukpuk long planti hap bilong PNG. Insait long Hailans tu i gat ol wan wan man i lukautim pukpuk. Tasol ating, i gat wanpela pukpuk fam tasol.

I no longtaim, bai ol pipel bilong Hailans i lukim narapela pukpuk fam gen i kirap long Kainantu long Isten Hailans Provins.

Na i no wanpela man bai statim dispela fam. Nogat. Em bai wanpela meri Kainantu. Rose Bunat, wanpela meri bilong liklik ples Anona insait long Kainantu yet i stap wantaim man bilong em nau long Maprik.

Em i holimpasim sevenpela liklik pukpuk na i wok long lukautim ol nau long haus bilong em. Ol liklik pukpuk ya i stap insait long wanpela bikpela dis insait long rum waswas. Ol i wokim liklik hul wara bilong ol nau ausait long haus.

Man bilong Rose em i Albert. Na Albert i bi-

long ples Angoram. Long sampela wik i go pinis, tupela i kisim tripela pikinini bilong ol i go liv long ples bilong man. Long taim ol man i go bombom long nait, ol i save painim ol pis na pukpuk tu.

Orait, Rose i tokim man bilong em na ol tambu bilong em long holimpasim sampela liklik pukpuk bilong em. Oke, long nait nau, ol man i go aut gen na holim sevenpela olgeta. Ol i kam na givim long Rose.

Ol i no klia bai Rose i mekim wanem tru long ol liklik pukpuk ya. Bihain, Rose i stori long tingting bilong em.

Rose i tok, nogut ol manmeri i ting, ol man bilong Sepik na Daru tasol inap lukautim ol pukpuk. Nau, em bai traim lukautim ol dispe-

la liklik pukpuk na bihain kirapim wanpela fam. Long krismas, bai tupela man bilong em i transfea i go wok long Kainantu.

Na Rose bai pulim-apim ol liklik pukpuk bilong em long wanpela bek na karim i go long ples. Bai em i pasim rop long maus bilong ol liklik pukpuk tu ya. Nogut ol liklik pukpuk i hangre na autim tiket bilong pilot bilong balus.

I go stap long ples, bai em i wokim wanpela strongpela banis na digim wanpela hul wara we ol pukpuk ya i ken swim insait. Bai em i lukautim ol i go na husat manmeri long ples i laik kam lukim, em i orait tasol.

Em i tingting long karim ol pukpuk ya i go

i go long pes 8



Rose i skulim tupela wantok meri bilong em ya long we bilong holim ol liklik pukpuk. Rose yet i sanap long raithan.

WANTOK - Sarere, 21 Ogas, 1982

Pes 5




# Anchor

## pulap long gutpela tumas

### Anchor evaporated susu

GS2156P



Anchor Susu i kam long New Zealand insait wanpela tin i no bikpela tumas. Pulap wantaim ol gutpela susu em i redi long abusim long ti o kopi o long kukim kaikai.

(LUKAUT No ken givim long ol liklik pikinini i no winim tupela yia yet Susu bilong mama i moa beta)



### Anchor em i gutpela moa yet.

# MASKI PAIT LONG SELMANI

Dia Edita - Mi laik autim wari bilong mi i go olsem. Mi no laikim tru pasin ol pipel bilong ples Musau i save mekim long mipela ol Tolai pipel. Em i no stret liklik.

Mipela bilong ausait i stap long Not Solomon i save rispektim ol pipel bilong hia. Tasol ol lain bilong Masau long hap bilong Kavieng i save blok gut tru long pait wantaim ol Not Solomon na ol Tolai.

Na wanpela pait i bin kamap long selmani em ol i save yusim long baim meri na sampela kain pasin bilong tumbuna long ples. Na mi laik tokim yupela ol Musau olsem yupela i nogat yus tru long ples long dispela selmani.

Yupela yusim tasol olsem wanpela risen long pait nating. Jeles bilong yupela long ol sampela kain samting yupela yusim selmani olsem wanpela risen long pait nating.

I no inap long yupela wokabaut na sindaun gut na wok na kaikai

wantaim? Olgeta taim wanem hap yu go dring o pati we bai yupela olsem tasol. Na yumi olgeta i no bilong Niugini Ailan rijon? Mi no save nau wanem samting tru na ol Tolai, Kavieng na Buka yet i save apit kros nating, nating.

Mipela ol Tolai i laikim wanem kain we ol Solomon i salim na baim selmani na ol tu olsem. Selmani i stap long solwara. Yu painim na wokim gut bai kamap stret na yu putim i stap long wanem kain yus yu laik long en. Tasol no ken pait long selmani. Em tasol.

Kinavai Mengi, Arawa, NSP.

# PLIS WOKIM NUPELA HAUS

Dia Edita - Insait long Morobe Provins i gat tupela Vokesenel Skul. Wanpela i stap long Bulolo na wanpela long Finshafen. Tasol long Bulolo mi no lukim. Na long Finsafen mi bin lukim stret long ai bilong mi.

Na mi laik tok olsem, "Em i gutpela senta tru long ai bilong mi. Em i save helpim planti ol skul dropaut na mi

# OL PIPEL MAS VOTIM P.M.

Dia Edita - Mi laik autim liklik wari bilong mi olsem. Mi save harim long redio na ritim long niuspepa olsem planti ol bikpela man long palamen i resis long kamap praim minista. Mipela pipel i harim o ritim olgeta taim na mipela i les pinis.

Sapos ol i laik orait i no ken ol memba tasoli

vot long praim minista long palamen. Oli mas makim wanpela mun bai yumi olgeta vot long praim minista. Long wanem yupela yet i save hait na vot kranki na yupela i no save tingim mipela ol pipel.

Yupela i save wokim ol samting long laik bilong yupela yet na i save lusim tingting

long mipela ol pipel.

Long pinisim ol toktok bilong mi, mi laikim wanpela bikman long palamen i mas bekim dispela wari na mi lukim. Na liklik askim bilong mi olsem, yupela ol bikman yupela i save ritim niuspepa o nogat?

Jacklyn Tajiomo, Lae, Morobe.

# NUPELA TAIM MAS I GAT NUPELA LIDA

Dia Edita - Mi laik bekim pas bilong Peter Hayak. Em i bilong Morobe Provins na pas bilong em i kamap long Wantok Niuspepa No. 421 long wik bilong 12 Jun. Mi amamas tru

long lukim pas bilong yu i sapotim olpela tisa bilong yu stat long 1961 inap 1979 samting. Na nupela tisa i kamap na kisim ples. Mi laik tokim yu Peter, watpo yu no laik go na kisim malolo taim olpela tisa bilong yu i bin go aut na nupela tisa i kamap. Olsem wanem long nupela tisa long 1980 i kam inap nau 1982. Long wanem yu kisim nogut long ol nupela tisa gen.

Mi laik tokim yu nupela tisa i gat moa save. Mi tok long nupela politik man. 1961 i go inap long 1979 em i taim bilong olpela samting. Pasin bilong Australia i no pinis yet. Yu kirap nogut long ol toktok bilong nupela tisa na yu sutim tok nabaut. Brata yu nogat toktok long putim long niuspepa.

Brata mi tokm yu dispela kantri em i demokratik kantri na politik bilong en i wok olsem. Husat i go pas long ol politik ong kamapim wok bilong pati i no gat tambu. Gavman i no tambu long dispela. Yu lukim ol lida bilong kantri nau i stap, ol waitman o blakman asples tru. Olgeta taim kantri i senis ol nupela kain samting i wok long kamap. Dispela i mekim ol lida i senis.

Sapos olpela lida tasol i stap bai i gat wankain tingting olgeta taim. Nupela lida wantaim nupela kain tingting na nupela lain bikman long

sapotim na helpim dispela nupela lida. Dispela kain politik long PNG i gutpela tru. Dispela i mekim ol pipel i amamas na belgut tu. Sapos wanpela lida tasol i stap olgeta yia bai i no ken gutpela.

Olsem na dispela olpela tisa bilong yu, em yu save laikim em inap long 1961 i kam inap long 1979. Sapos i stap ol taim bai i no inap long givim nupela kain save na yu bai fel long skul bilong yu. Het bilong yu bai i no inap klia long ol nupela kain we bilong tingting. Mipela ol pipel i stap long ples i tait na les olgeta pinis long nogat nupela developmen i kamap. Tasol dispela bai i go yet inap sampela taim na liklik senis i kamap, na dispela em i developmen.

Sampela i gat liklik save long het bilong ol. Maski ol bikman o het tru bilong pasin bilong ples i gat save olsem. Na yu man bilong rit na rait i no gat liklik save long het bilong yu olsem. Wanem taim bai yu save? Yu mas save long politik senis i wok long kamap nau. Senisim dispela tingting bilong olpela tisa bilong 1961 na 1979. Dispela em taim bilong nupela tisa 1980 na nau lukluk i go long 1983. Mi yet bilong Sindaun Provins na nau mi i stap long Lae.

Ignatius Sagi, Aitape, WSP.

# PILAI LAKI LONG MAKET MAS PINIS

Dia Edita - Wari bilong mi i go olsem. Mosbi Siti Kaunsil i no wok gut. Long wan em Gordons, Gerehu, Koki na Waigani maket i no save luk gut. Ol manmeri i save putim kaikai bilong ol long graun. Na taim ol pipel i baim sampela save kaikai dispela kain kaikai na kisim sik.

Mosbi Siti Kaunsil mas opim ai bilong en na traim putim moa spes. Long wanem, maket nau i save pulap, tumas. Mani bilong maket long baim dua i save go long yupela.

Lukim Lae, Goroka na Rabaul maket. Ol i bikpela na i gat planti spes long ol pipel i putim kaikai bilong ol long maket. Na hia long Mosbi i gat kaikai na pilai laki tu kamap

long wan kain ples. Tasol em i no gutpela tru. Sapos ol pipel i laik pilai laki i mas long we tru long hap ol i salim kaikai long en.

Klostu, klostu tumas i mekim pipia i pundaun antap long kaikai i stap long maket. Ol pipel save bung long pilai laki na i no save lukluk gut long ol kaikai ol mama save lukautim sindaun i stap long maket.

Maket em i ples bilong pilai laki o bilong salim na baim kaikai tasol! Kam on Mosbi Siti Kaunsil, opim ai bilong yupela na stretim kain sindaun i ken bringim sik long ol pipel.

John Urmagla, Gembogl Viles, Simbu.

# OL PIPEL LAIKIM PANGU

Dia Edita - Long taim bilong bikpela ileksen mipela i bin vot long wanem pati mipela i laik long em. Na i luk olsem planti bilong

mipela i laikim Pangu na mipela i votim ol Pangu kendidet olsem na Pangu i bin winim planti sit long Palamen.

# SPAK NA STAP ISI

Dia Edita - Mi laik sapotim pas bilong brata, Toni Nicholas. Mi laik tok olsem yu bin wokim ol wankain tingting olsem mi. Yu tok olsem, "Man i gat ka i ken dring long hotel na kisim ka bilong em isi tru na go long haus."

Tasol man i nogat ka i mas sem long dispela na mas stap isi long taim bilong dring bia. Na tingting gut long haus bilong yu. Sapos yu nogat ka na yu kalap long bas, yu mas sindaun isi tru long bas na go long haus bilong yu.

Mi no laik lukim ol man i spak pinis i go long bas na holim ol meri. Na tok Inglis long ol meri long grisim ol tasol.

Dispela pasin i no stret long ai bilong planti man. Olsem na traim na sem liklik long dispela kain pasin. Yu mas traim na tingting. Em pasin bilong ol man, dok o kakaruk. Sapos yu dring pinis orait yu mas stap isi long bas na go long haus.

Dickson Kaweuso, Lufa, EHP.

Long dispela ileksen, mipela olgeta i save olsem Pangu i no winim olgeta sit yet long fomim gavman tasol. I gat lo long ol pati long bung wantaim na fomim gavman. Mipela ol pipel yet bilong dispela kantri i laikim Pangu olsem na em i winim ileksen.

Yu wanem pati i bin lus pinis long dispela ileksen i gat moa memba yet long hap bilong yu. Orait. Maski opim mas bilong yu long fomim gavman, long wanem yu wantaim pati bilong yu i lus pinis.

Kamap maus man tasol long ol pipel bilong yu long palamen. Na maski long hangre long kisim pawa gen.

Pangu i bin winim ileksen long laik na bilip bilong ol pipel. Olsem na em i taim bilong Pangu nau.

Vincent S. Kipamduwi, Pitava Bratas, Madang Provins.

Tok Save i go long ol man i save salim pas long Wantok. Sapos yu no putim nem tru bilong yu long pas mipela i no inap primum leta bilong yu



## NUPELA MARASIN BILONG NATNAT

### BILONG HAUS "MOZZIE ZAPPER"

1. Was long yu na famili bilong yu long ol natnat na arapela binatang.
2. Ol dua na windua i ken op i stap long taim yu pamim marasin.
3. Em i sef na isi long yusim K15.00 TASOL.

### BILONG PUTIM LONG SKIN BILONG YU "ELECTRONIC MOZZIE REPELLER"

1. Em i wok long bateri. Na bateri i ken stap i nap 1-pela yia.
2. Liklik na isi long karim raun.
3. Sef na isi long yusim. K8.50 tasol.

Salim mani oda o beng sek bilong yu i go long Wiambly Trading, P O Box 1412, Lae Papua New Guinea.



# BIABIA



# THE BIG WIDE PERFORMER



Look around you . . . you'll see the Mitsubishi Canter. You want a big wide cab that comfortably fits three? *You want the Canter!* You want an interior that's designed for ease of

control? *You want the Canter!* You want a fuel efficient performer, with a chassis designed and engineered for durability, plus lots of attractive options?

**YOU WANT CANTER!**



# MITSUBISHI

## CANTER

At these Good Deal Dealers:

**TOBA**  
PTY. LTD

KAVIENG: Kamsco  
RABAU: Rabaul Garage  
MADANG: Steamships

PORT MORESBY and LAE: Toba Pty. Ltd.  
MENDI: Mendi Motors  
WEWAK: Lus Development Corp  
ARAWA: Bougainville Motors

KUNDIAWA: Piunde Pty. Ltd.  
KIMBE: Kimbe Kar Sales  
MOUNT HAGEN: Hagen Hauliers

GOROKA: S & L Motors  
MANUS: Michael Wing You  
BUKA: Wong Kui

HEB 1788

# OL PIPEL SAVE BIKHET

SAPOS yu bin kam raun long Mosbi bai yu ken save olsem long Mosbi taun stret i gat planti ol bikpela haus.

Wanpela long ol dispela haus em ANG HAUS. ANG haus i gat 11-pela rum i go antap. Na kain kain kampani i gat opis bilong ol long em. Sapos ol man i laik go long ol rum i stap antap ol i mas go sanap long lift na bai lift i karim ol i go antap. Long taim yu go insait long dua bilong ANG haus, namba wan man yu lukim em man bilong wok long lift.


olsem wok bilong em i save stat long 7 klok long moning taim i go inap long 4 klok long apinun.

Em i tok, "i no gat malolo bilong me. Sapos mi no wok long lift, bai mi go wasim na klinim ol glas arere bilong haus. Dispela wok i no isi. Na sampela taim mi save wok inap wanepla de olgeta long kllinim ol glas ya. Nau em taim long mi long bosim lift. Na long belo sapos mi laik go painim sampela kaikai, bai arapela wanwok bilong mi i kam kisim sia bilong mi na was long lift. "Taim mi was long lift, wok bilong mi em long skulim ol man husat i no save long yusim lift. Sampela taim mi save helpim ol long go antap na kamdaun.

"Mi save go wantaim ol long lift na givim liklik skul long ol long pasin bilong yusim lift. Na long wanem samting ol i ken mekim na i no ken mekim taim ol i sanap long lift. Mi save tokim ol tu long ol birua i save kamap long lift. Sapos ol i painim olsem lift i pas i stap ol i noken wari tumas, ol i mas stap isi tasol. Wanpela

bikpela samting em mi save tokim ol manmeri husat i laik go antap long lift em dispela, 8-pela pipel tasol i ken sanap long lift. Bipo long taim dispela lift i nupela yet em i ken karim 10-pela manmeri olgeta long wanpela raun. Tasol nau i bagarap liklik na mipela i save pret long putim moa 8-pela manmeri i go long wan raun.

"Planti taim mi save tokim ol man long ol samting ol i no mas mekim tasol ol i save sakim ol tok save bilong mi. Planti taim ol man i no save harim tok bilong mi na ol i save pulap tru long wanplea lift. Sampela taim ol man husat i sakim tok bilong mi i save kisim taim tru. Ol i ting mi man i no gat save. Tru mi no bin go long skul, tasol ol man i skulim mi long dispela wok na mi save. Wanpela taim wanpela meri i kam na em i tokim em olsem lift i bagarap liklik. Tasol meri i sakim tok bilong mi na i go long lift na lift i bin bagarap. Orait bos bilong em, Mista Ava i ringim ol saveman bilong stretim dispela masin ol i kam stretim."



Kombo Gut i save helpim ol pipel long ANG Haus.

Sapos ol pipel i no save long wanem plua opis bilong Japan i stap long em o PNG Benging Koporsen i stap, Kombo bai lukim long rekot pepa na tokim ol. Orait ol i ken go antap long dispela plua. Kombo i save tokim ol man husat i karim ol longpela o bikpela samting olsem tebol o plang i mas go long baksait bilong haus na go antap long lata. Sampela taim Kombo i save joinim ol narapela

lain sekyuriti na go klinim ol glas bilong ANG haus na givim wara long ol plawa. Long taim em i bosim liif em i save bosim tu ol ki bilong olgeta opis long ANG Haus. Sapos ol man husat i bosim ol dispela opis i lusim ki bilong ol, ol i save kam askim em na em givim ki long ol. Kombo i no save wok olgeta de long lift, nogat.

Em i save wok wanpela wik orait narapela bai em i mekim ol arapela wok. Em i tok, "Sapos yu brukim glas orait, yu mas ripot long bos. Mipela i save wok isi isi long wanem mipela i pret long brukim glas. Long 4 klok long avinun, olgeta wok bilong mi i pinis na mi i save go wet long bas long go bek long haus. Sarere na Sande i no gat wok. Dispela tupela de i orait long wanem i nogat planti manmeri i save kam. Na mipela i no save klinim glas long dispela tupela de.

• Benny Bogg

## PUKPUK LONG HAILANS

i kam long pes 5

long ples long soim ol pipel bilong em. Bikos ol pipel long ples i no lukim wanpela pukpuk bipo. Ol pukpuk i go bikpela, bai em i kilim ol na rausim skin bilong salim. Na mit bilong en bai emi soim ol pipel long we bilong kukim na kaikai.

Em i tok, sapos ol pukpuk i go planti husat man i laik kisim wanpela long i go lukautim, em i orait. Em i ken tromoi liklik man tasol na kisim i go lukautim. Long taim stori bilong em i pinis, ol tambu bilong em i lap nogut tru long em na tokim em olsem bai ol pukpuk tanim na kaikaim em. Tasol Rose i no wari long dispela tok.

G. Rainsau

# Ripot Bilong Dispela Wik

**TUNDE OGAS 10** — Tripela man i bin dai taim wanpela liklik Sesna balus i pundaun klostu long Maunten Bosavi long Westen Provins. Pilot bilong balus, John Crowley, na tupela pasindiai Peter Howell wantaim liklik pikinini man bilong em i dai.


\* Man i save helpim lambakey Okuk long Gavman, Mista Jeff Wal i lusim wok bilong em na i go kisim malolo long Australia. Bihain em bai kam bek long Mosbi na kirapim bisnis bilong em yet wantaim John Hauge, wanpela bisnisman.



**TRINDE OGAS 11** — Kumul 1 balus i karim Namba Tu PM, Paias Wingti wantaim sampela viles pipel i go bek long Maun Hagen. Ol dispela pipel i kam lukim nupela palamen i op. Michael Somare i bin givim tok orait na ol i yusim dispela Kumul 1 balus.

## FONDE OGAS

**12** — Lida bilong Oposisen, na Nesenel Pati, Ted Diro i tokaut long kamapim Vot - i nogat bilip na rausim Gavman bilong Somare long 6-mun bihain. Long wanem planti pipel i no amamas long we em i makim ol Minista bilong em.



**FRAIDE OGAS 13** — Wok bilong kirapim Kundiawa ples balus i no inap go het. Namba Tu PM, Paias Wingti i stapim. Em i tok olsem bai ol kirapim ples balus long Kerowagi. Na ol bai wokim ol haus antap long Kundiawa ples balus.

**MANDE OGAS 16** — Sief Ombutsman, Mista Ignatius Kilage i lukluk insait long sampela asua long also bilong Palamen. Mista Somare i bin toktok long dispela Lidasip Kot o Lo bilong lukautim olgeta memba insait long Palamen. Tasol palamen i no bin oraitim.



\* Nupela Minista bilong Fainens, Mista Phillip Bouraga i amamas long lukim prais bilong ol samting i go daun. Dispela i helpim yumi long prais bilong ol arapela samting long stua i sut i go antap.

\* Gollin Kampani (PNG) Pty Ltd i laik traim baim ol bisnis bilong kamapim kopi insait long PNG, Kopi Industri Bot i no orait long dispela aidia long wanem dispela kampani i bilong Australia.

\* Gavman bilong Australia i harim pinis ol kain hevi i wok long kamap insait long PNG. Nupela Minista bilong Foren Afeas na Tred, Rabbie Namaliu, wantaim sampela bikman i bin toktok wantaim ol bikman bilong Australia. Ol i no singautim Australia long givim helpim.



\* Nau 22 kendidet husat i lus long ileksen i laik kamapim dispela toktok long kot.

**TUNDE OGAS 17** — Namba Tu Primia bilong Morobe Provinsal Gavman, James Ibras i laik pinis long wok bilong em. Em i les long stap aninit long gavman bilong Utula Samana.

\* Namba Tu PM, Paias Wingti i stapim bisnis bilong baim mit bilong pik i kam long Saina. PNG yet i gat ol pik tu.

\* Minista bilong bosim ol Provins John Nilkare, i tok em ilaik bai ol i pasim daun Kundiawa ples balus olgeta.



**TRINDE OGAS 18** — Minista i bosim ol Taun, Mista Swokim i tok long raun ol olupela gavman minista long haus bilong ol. Planti bilong ol olupela minista i stap yet long haus bilong ol insait long Mosbi.

\* Primia bilong Nu Ailan, Robert Seeto i baim kot long K150.00. Long wanem em i no gat laisens bilong karim pistol. Kot i tok em i ken kisim bek pistol long lukautim em yet tasol em i mas baim nupela laisens hariap.

## Laip Long P.N.G

Long wik i stat 2 Ogas Kombo Gut i bin sambai i stap long mekim dispela wok. Kombo Gut ji gatt 43 krismas na em i bilong ples Sibua long hap bilong Simbu Provins. Kombo i save kisim bas na go kam long wok bilong em. Kombo i tok



## Sabusa Sawmilling Co. Pty Ltd.

HARDWOOD - SOFTWOOD - FLOORING - WEATHERBOARD - MOULDINGS - DRESSED & ROUGH SAWN TIMBER

CAN NOW BE PURCHASED FROM OUR TOWN YARD WHICH IS SITUATED AT SANDERS SALVAGE YARD, WAIGANI DRIVE, HOHOLA.

OPPOSITE ARROW BAKERY.

MON — FRI — 8AM — 4.30PM  
SATURDAY — 8AM — 11.30AM.



SAWN TIMBER For the handyman



# Katim Daun Namba Bilong Minista

**LONG** gavman bilong Sir Julius Chan i gat 27 minista olgeta.

Gavman bilong Somare i gat 26 minista olgeta. Somare i tok, emi laikim 18 o 20 minista tasol long gavman bilong em. Na yu ting wanem? Yu laik Somare i katim daun namba bilong ol minista o nogat.



Sam Kulimo

**Sam Kulimo** i bilong Gono viles long Isten Hailans provins. Krismas bilong em 19 na em i stap wantaim ol wantok bilong em long Mosbi.

Sam i tok, "Bikpela tingting bilong mi em long Somare i mas katim namba bilong ol minista bilong em i kam daur long 19. Em i namba bilong ol provins long PNG. Mi

laikim wan wan provins i mas gat wanpela minista.

Tasol bilong Somare long katim namba bilong ol minista i kam daun long 18 tu i gutpela. Bikos bipo mipela i gat planti minista na ol i no bringim planti developmen long ol provins."

Las gavman i gat planti minista tumas na

**Yu Ting Wanem?**

ol i no save husat minista bai lukautim wanem wok na nogat samting i save kamap. Dispela tingting tasol i mekim na mi laikim Somare i mas katim daun namba bilong ol minista. Sapos namba bilong Minista i no planti, yumi ken lukim wanem wok tru bai dispela ol minista i mekim long kamapim developmen insait long kantri bilong yumi."

Vitus Kumang i bilong Mui viles long Simbu provins. Krismas bilong em 28 na em i kam raun tasol long Mosbi siti long lukim ol wantok bilong em.

Vitus i tok, "Somare i mas katim namba bilong ol minista bilong em i kam daun liklik long 18 o 20 samting. Dispela liklik namba bai inap long ranim gut wok bilong palamen na kantri. Mi ting olgeta provins i mas i gat minista bilong ol.

"Tasol mi ting 27 o

26 minista i planti tumas na ol i no inap mekim gut wok bilong ol. Em i no wok resis na bai yumi i putim planti man long minista. Nogat, em i bikpela wok tru long lukautim ol dipatmen. Na dispela kain wok i mas i gat man husat i gat gutpela stretpela tingting. Na tu, ol man Somare i makim olsem minista i mas mekim gut wok bilong ol.

"Mi no laik ol minista i kam long Sepik tasol o long Hailans tasol. Yumi mas askim Somare



Vitus Kumang

long lukim gut na makim ol man long olgeta provins bilong yumi."

**Josepina John** i bilong Kundiawa long Simbu Provins.

Josepina i tok, "Mi no laik ol i senisim namba bilong ol minista. Mi laik ol i mas stap olsem olpela gavman. Sapos Somare i tingting tumas long senisim gavman, bai em i westim taim bilong wokim sampela arapela wok long gavman na lukluk long ol wari bilong ol pipel.

Gavman i mas wari long wanem samting em i wokim nau long helpim ol pipel na



Josepina John

pinisim ol hap wok i no pinis yet. Na no ken tingting tumas long katim daun namba bilong ol minista."

**Arthur Arikawa** i gat 32 krismas na em i bilong Tufi, long Noten provins. Em i wanpela Medikal Saplai Opisa bilong Ok Tedi.

Arthur i tok, "Miting i no gutpela long olgeta provins i kisim minista. Somare i makim ol minista bilong em pinis. Na em i orait tu sapos em i laik katim daun namba bilong ol minista bilong em. Sapos em i laik apim namba bilong ol minista tu em i wari bilong em tasol. Bihain sapos wanem wari i kamap em wari bilong em.

Somare i tok long



Arthur Arikawa

katim namba bilong ol minista bilong em i go daun long 18 em i gutpela tingting. Long wanem sapos i gat planti minista tumas, bai kantri i westim planti mani tu long ol."



Lyfaner Havigolo

**Lyfaner Havigolo** i bilong Lufa long Goroka, Isten Hailans provins. Em i no wok, tasol em i kam long raun tasol long Mosbi.

Lyfaner i tok, "Mi yet mi ting olsem, I mas i gat ol minista long

wan wan provins insait long gavman. Sapos Somare i kisim 3-pela o 4-pela long wanpela hap bilong provins tasol em i no gutpela tumas. Mi harim ol man i tok, Somare i makim 4-pela minista long Sepik na mi no amamas tru.

Mi laik em i senisim tingting na katim namba bilong ol minista. Planti minista tumas na ol manmeri i toktok nabaut.

Mi ting 20 minista inap mekim gut wok bilong gavman. Olpela gavman i gat planti

minista tumas na ol i no mekim gut wok. Olsem na Somare i mas tingting gut long dispela.

Sapos mi olsem Somare bai mi tokim ol ausait man long pasim maus bilong ol na bihainim tok bilong mi tasol. Bilong wanem na em i senisim tingting bilong em long katim daun namba bilong ol minista nai putim go antap long 26 gen. Somare i no mas harim planti tok gris long ol memba na apim namba bilong ol minista."

**Maria Sine** i bilong Gumine insait long Simbu Provins. Em i no save wok.

Maria i tok, "Tingting bilong Somare long katim namba bilong ol minista i go daun long 18 minista em i gutpela tingting. Tasol em i mas katim i go daun long 21, olsem bai olgeta provins i gat wan wan minista.

Nau yumi gat 26 minista bai gavman i westim mani. Na tu ol dispela mani bilong baim ol minista tasol i



Maria Sine

save katim ol wok developmen long sampela ol provins.

**taste the delicious flavour of honeycomb in Violet Crumble**



**NO 1 HONEY COMB BAR**

A quality product fresh from Rowntree Hoadley (Australia) Ltd.

## MADANG RIPOT

### KAUSILA ILEKSEN

ILEKSEN bilong Madang taun kaunsil bai i kamap long Sarere Oktoba 9. Nominesen bai stat op long Trinde Septemba 1 na pas long Fraide 17. Ol kaunsila husat i win long ileksen bai mekim promis bilong ol long Tunde Oktoba 26.

### TUPELA SAMTING LONG 1982

Kaunsila Stephen Gai i tok, olgeta projek bilong kaunsil i mas wet inap 1983, na ol i mas wari tasol long tupela samting. Namba wan, em long wokim bikpela opis bilong taun kaunsil. Narapela em long baim moa baket pekpek bilong ol haus i stap long taun. Em i tok, ol i painimaut olsem 729 haus i mas gat nupela baket pekpek. Long wanem, nau i gat 629 baket tasol planti bilong ol i bruk nabaut. Taun kuskus i tok ol i luksave long dispela hevi. Na bai ol i baim 1258 baket pekpek.

Long yia 1978, wanpela lain saveman i bin mekim bikpela wok painim long kirapim bikpela wok bilong ol gutpela toilet. Kos bilong dispela projek bai inap long K2.4 milion.

### MAUSMAN MAS HARIM

Taun Kaunsil i pasim tok olsem long stat bilong narapela miting, tupela provinsal memba husat i makim Madang taun ken stap insait long miting bilong kaunsil. Ol i ken harim na bekim ol tok na askim i kam long ok kaunsila.

### STRETIM OL SIP


Kaunsila Yombun Papek i bin tokim kibung bilong ol kaunsila olsem planti taim ensim bilong ol sip i ran namel long Karkar na Madang i save bagarap. Na ol pipel long sip i save pret long painim birua. Em i tok ol dispela sip i bilong Karkar Kampani na dispela kampani i mas tingting long salim ol opela sip bilong ol, na baim nupela.

# 'Strong pela'

ANTISEPTIC

## PINE-O-CLEEN

long lukautim famili bilong yu



Long hatpela ples olsem bilong yumi, sik na sua i save kamap plant. Yu ken lukautim sik, sua na gutpala helt long famili bilong yu, taim yu yusim Pine-O-Cleen.

Putim marasin ya i go long hat wara na yusim long wasim toilet, banis bilong haus, na plua. Na pamim marasin ya i go insait long ol paip bilong karim wara i go aut long haus long olgeta wik.


Lukautim skin bilong yu tu. Wasim ol sua bilong yu long Pine-O-Cleen. Miaksim marasin long wara na wasim sua inap taim sua i drai olgeta.

**Pine-O-Cleen i stap long olgeta tret stua na long Supamakot yu laikim.**

"Another quality product from Reckitt & Colman"

ST2 2003

## Bris Kos Bilong Ol Nes



Em hia ol nes i wokim bris kos long Raihu Helt Senta. Kirap long lephan, yu lukim Miriam Kohou, Francis Mauak, Lydia Pondek, Roven Kaleva, Linus Simbi, Grace Thomas.

RAIHU Helt Senta long Aitape em i namba wan skul tru long Wes Sepik bilong trenim ol Nes Et.

Tude ol i gat 18 studen i tren, na ol inap long trenim 30 studen wantaim. Ol boi na meri i tren hia bai ol i no gat wari long painim wok insait long Dipatmen bilong Helt, olsem bikskul long Madang.

Tasol wanpela spesel samting tru long Raihu em ol i kolim Bris Kos bilong ol nes, em ol i bin winim bikpela nes skul pinis. Bihain ol nes i winim 3 yia kos long ol bikpela skul long Mosbi na Wewak na Lemakot na Vunapope na kain haus sik olsem ol i kisim nem "Sista." Ol i winim digri o setifiket bilong PNG pinis.

Sapos wanpela nes i winim kos bilong "Enrolled Helt Nes," orait, nau em i ken rait bihain long nem bilong em dispela ol leta: E.H.N. Na sapos nes i winim kos bilong "Enrolled Komyuniti Helt Nes," orait, em i ken putim ol

leta E.C.H.N. bihain long nem bilong em. Tasol dispela em i no inap long leta R.N. (Registered Nurse) bilong Australia na ol arapela kantri.

Nau long Raihu ol i gat spesel nes skul inap long givim dispela namba R.N. long ol nes bilong Papua Niugini. Em i dispela bris kos. Em i go inap long 6 mun na i hatwok tru. Nes i pinisim bris kos, em i olsem liklik dokta tru. I no gat narapela inap long em long PNG.

Long Raihu tude ol i gat 8-pela nes meri na 2-pela nes man i wokim dispela bris kos. Ol i kam long Is Sepik, Enga, Madang, Not Solomon, Mosbi na Manus Provins. Em i namba tri taim nau i gat dispela kos long Raihu.

Raihu Helt Senta i statim dispela kain spesel skul na kos long yia 1980. Tripela Mersi Sista i ranim nau. I gat wanpela dokta bilong ol VSO bilong Englan i bosim haus sik wantaim Brata Gary, OFM, em i wanpela smoldokta.



Nes Francis Nauak i wokabaut namba wan taim wantaim wanpela boi, paia i bin kukim bodi bilong em nogut tru.

## Viles Kot Bagarap

**LONG Is Nu Briten provins planti viles kot i stap wok long wanem ol mejistret i bihainim tumas wantok sistem long taim bilong harim kot.**

Mista Tonata, i tok, planti taim em i save lukim ol manmeri i givim grismani i go long viles kot mejistret. Dispela grismani i bilong helpim ol long winim kot bilong ol.



### SINGER

**PREN BILONG YU  
INAP OLTAIM**

Mista Tonata i tok, "Wantok sistem i save mekim sindaun bilong ol man long viles i gutpela. Tasol long taim bilong kot, wantok sistem i save bagarapim tru gutpela sindaun bilong ol pipel long ai bilong lo." Em i singaut long ol lida long was gut long lo na oda long viles bilong ol.

Mista Tonata i bin toktok long wanpela kibung wantaim ol pablik sevnan na ol narapela provinsal lida bilong Is Nu Briten.

# Gelpren I Maritim Narapela Man

**DIA LAIPLAIN,**

*TAIM mi stap long skul yet, mi gat laik long maritim wanpela meri long ples bilong mi. Na papamama bilong mitupela tu i amamas.*


*Mitupela i lusim skul na mi go long wanpela koles. Na meri ya i go long narapela koles.*

*pikinini man. Bai mi mekim wanem nau?*

*Sampela arapela meri i gat laik long mi. Tasol mi i no inap lus tingting long dispela olpela gelpren bilong mi. Inap mi go long haus bilong em na kisim em bek o olsem wanem? Mi save, em i gat man pinis, tasol mi gat bikpela laik long maritim em.*

**LAIP**

**DIA PREN**



Mipela i save, yu gat belhevi yet long dispela samting. Tasol yu mas sindaun na tingting gut pastaim.

Yu ting em i gutpela pasin long kisim bek dispela meri o nogat? Em i no gutpela pasin tumas. Long wanem meri i maritim pinis. Bai yu bagarapim maritim bilong meri ya wantaim man bilong em. Na tu, bai yu bagarap nem bilong yu yet.

Meri i soim olsem em i laikim narapela

**LAIN**

*Mipela i save raitim pas i go i kam. Tasol i no long taim i go pinis, mi harim olsem meri ya i maritim narapela man. Na ol i gat wanpela*

man. Na tupela i maritim pinis. Yu no inap i go pulim meri nating. Ating em i lusim tingting long yu long-taim yet.

I tru, yutupela i bin pren bipo yet long skul. Tasol yu no bosim laik bilong meri. Em i ken senisim tingting bilong em. Na sapos yu maritim narapela meri, dispela olpela gelpren bai i no inap mekim sampela samting long stapim yu.

Meri ya bai tingting long strongim maritim bilong em wantaim man bilong em. Tupela bai traim long kamapim gutpela sindaun na helpim liklik pikinini bilong ol. Bai yu painim hat tru long katim maritim bilong tupela. Long wanem, laik bilong ol i pas pinis.

Yu no ken tingting tumas long dispela meri moa. Em bai yu wari moa yet i go na bagarapim wok na

sindaun bilong yu. I gat planti arapela meri i stap. Tasol pastaim yu mas lusim tingting olgeta long olpela gelpren bilong yu.

Dispela samting i wankain olsem ol pis i stap long solwara. Yu no inap putim ai long wanpela tasol i kam hangamap long huk. Sapos namba wan i kam anka na ranawe gen, yu no ken sanap sori long en i stap. Tromoi huk gen na traim kisim sampela moa.

Tru tumas. Taim yu prenim wanpela meri longpela taim bipo, bai yu painim hat tru long lusim tingting long em. Planti man na meri i bin painim dispela kain hevi. Tasol dispela hevi i no save stapim planti bilong ol.

Em i no hat long painim nupela meri. Planti ol yangpela meri i kisim gutpela wok na i raun nating i stap. Ol tu i wok long painim ol



gutpela man long maritim.

Mipela i save. Planti man i gat dispela kain wari olsem yu. Tasol bihain planti bilong ol i painim ol naispela meri na ol i maritim. Mipela i


ting yu gat planti sans long painim nupela meri na maritim em.

Yu kisim gutpela save long skul pinis. Bihain bai yu kisim gutpela wok na sindaun gut. Em bai isi tru

long painim meri i laikim yu. Na bai yutupela i gat gutpela sindaun na kamapim amamas long laip bilong yupela olgeta taim bihain.

**MI LAIPLAIN**

# Have a break, have a



A quality product  
fresh from  
Rowntree Hoadley  
(Australia) Ltd.

AP936

## Mirigeda Yut Senta Kisim Taim

**MIRIGEDA** Yut Senta i klostu long Mosbi, em i narakain liklik long ol arapela yut senta long kantri. Long wanem dispela senta em ples we ol viles level woka na yut lida long Papua Rijon i save go skul long en. Wantok ripota, Pauline Laki i bin go raun na kisim stori bilong dispela senta.

**Mirigeda Yut Senta, nau i stap long bikpela trabel.**

Bot ov Trasti bilong mekim ol bikpela toktok long ranim dispela senta i no moa wok gut. Dairekta bilong Senta, Mista Milton McMahan i laik lusim wok long dispela senta long pinis bilong dispela yia. Ol wok pepa bilong kamap sitisen bilong PNG i kamap pinis na em i gat famili bisnis tu we em i laik lukautim.

Narapela bikpela samting tru i nogat mani long ranim ol wok insait long senta. Long mun Julai Primia bilong Sentral Gavman, Mista Rima Nau, i tok bai em givim sampela mani long dispela senta.

Tasol man i go pas long senta, Mista McMahan it ok, "Mipela wet yet long dispela mani." Nu Silan Hai Komisn i givim pinis K7,000 (7 tausen kina) tasol ol i yusim pinis mani bilong putim pawa insait long ol haus i stap long senta.

Na Katolik Sios tu i givim ol K2,000 (2 tausen kina) long yusim long baim ol samting ol yut lida i ken yusim long taim ol i go kos long dispela senta. Na ol liklik mani dispela senta i kama-

pim long Mosbi So, i pinis nau. Olsem na ol i no save bai ol i kisim mani we.

Long 1973 ol kamapim Bot ov Tasti bilong senta. Ol kirapim bihain long i gat planti toktok i kamap long kirapim wanpela bikpela Yut Senta we ol Yut Lida na Viles Woka long Papua Rijon i ken kisim moa trening long en. Difens Fos i bin wokim olgeta haus olsem wanpela projek bilong ol pipel.

Tasol nogat wanpela yut kos i kamap long en inap long mun Jun long dispela yia. Em nau namba wan Yut Lida Kos i kirap. I gat 5-pela man na 3-pela meri i stap long dispela kos.

Kos ya inap long 3 mun olgeta. Taim dispela lain i pinis bai nupela lain gen bai i go mekim moa kos. Tasol dispela lain bai i go o no gat? No gat mani moa.

Na dispela Bot ov Trasti tu i no moa wok. Sampela bilong ol go bek pinis long ples bilong ol. Nau Gavana General, Sir Tore Lokoloko i patron bilong Mirigeda Yut senta. Long Bot ov Trasti, bilong senta Hugo Berghauser i siaman na Sir John Guise i memba. Tasol 3-pela arapela memba i go bek pinis long ples

bilong ol na nau Mista Mula na Greg Mongi tasol i stap.

Dispela senta i bilong Papua Rijon tasol nogat sapot i kam long wanpela Provinsal gavman, i kam inap nau. Ol dispela bisnisman husat i bin subim aidia bilong wokim dispela senta i no moa wok strong long we bilong painim mani bilong senta. Na pe bilong tupela tisa wantaim hetman i kam long Australia Hangre Rilip Kempein Fan. Em i moa long K24,000 (24 tausen kina). Tasol dispela mani bai i pinis liklik taim tasol.

Planti hap graun i stap klostu long senta i bilong mekim wok didiman. I gat gutpela graun. Tasol nogat mani na nogat saveman long kamap olsem tisa long lainim ol Yut Lida.

Em wanpela samting senta i painim hat tru long kisim gutpela tisa. Man i go pas nau i bin wok hap taim stat long taim senta i kamap. Tasol em i no save kisim pe.

I gat planti nem bilong ol sevis klap, bisnisman, sios, klap na gavman i stap long rekot buk bilong senta. Tasol nogat mani i kam long dispela lain yet.

• Pauline Laki

# TINGTING LONG WOK GUT

Dia Edita - Mi wanpela manki bilong Mapos Viles insait long Mumeng Distrik Morobe Provins. Mi stap long Gran stret arere long rot. Mi sindaun antap long simen na mi lukim ol A.B.C.O i kam spit nogut tru long

ka bilong ol i go dau long rot. Na mi lukim wanpela man antap long ka i kisim glas na resa na i wok long sikirapim maus kras bilong em. Mi ting dispela pasin i no gutpela long taim bilong wok. Taim bilong sikrapim maus kras em long haus na i no long wok ples, taim bilong wok em taim bilong wok tasol.

Kepas Joel, Maegin Yut Klap, Lae, Morobe.



# SKULIM MOA SOLDIA

Dia Edita - Gavman bilong yusim nau i mas traim na kisim moa man long ami. Sapos husat man i laik kamap soldia, kisim em. Dispela em laik bilong em tru.

Maski kisim ol skul man tasol. Long wanem ol skul man tasol i no inap tru long strongim kantri taim woa i kamap.

Mobeta gavman i mas kisim ol man long ples na lainim ol long dispela kain wok. Planti ol manki long ples i save moa long go painim abus long bus. Na ol i gat blak pawa long paulim ai bilong abus na kilim ol.

Ol i save tu long wokim sanguma na poisin. Ating dispela i ken helpim kantri tu long pait wantaim pawa bilong waitman. Olsem na gavman i mas hariap na kisim ol man bilong strongim kantri na maski long ol skul manki tasol.

Na tu gavman i mas traim lusim planti mani long wok ami.

Long wanem difens em i bekbun bilong kantri. Dispela em i tingting bilong mi yet.

Gavman bilong yumi i mas traim lusim planti mani long wokim faktori bilong wokim masket, katres, ami balus, sip na ol kain samting bilong woa. Em i gutpela tru.

Maski long kisim ol samting i blong pait long arapel kantri i kam. Sapos wok i

# STRETIM ASLO BILONG PNG

Dia Edita - Mi laikim dispela nupela gavman bilong PNG i mas lukluk gut. Na stretim ol dispela samting long ol asples. Dispela em ol samting i save mekim mipela ol asples manmeri i no kamap gut.

1. Painimaut ol papa tru bilong ol hap graun insait long ol wan wan viles. Na raitim nem bilong ol wantaim graun bilong ol. Olsem bai i no gat pait moa.

2. Baim hap graun na givim i go long ol husat man i no gat graun tru. Bihain bai ol

i bekim mani i go long gavman na graun i bilong ol stret. I no bilong gavman moa.

3. Tambuim tru ol pilai bilong winim mani. Na tu, kontrolim bia.

4. Kamapim lo bilong lukautim marit. Nogut sampela bai ting em i samting bilong painim amamas tasol.

5. Pasin bilong dinau long wok bisnis i mas gat lo long lukautim. Planti bisnis i dai pinis long dinau tumas.

6. Mekim isi lo bilong Developmen Beng long helpim olgeta kain manmeri. Rabis o mani man i ken dinau long wokim bisnis. Long wanem nau mani man tasol i save dinau.

I mas i gat lo bilong ol man na meri i save wokim sanguma na posin. Long wanem pret bilong sanguma na



kamap long yumi, bai ol i mekim save long mipela insait long wan mun tasol. Na bai ol i kisim graun bilong mipela.

Gavman bilong yumi no ken slip. Long wanem nau em i taim bilong kisim moa ami na redi. Mi ting i no long taim bai ol Indonesia i bringim wok i kam long PNG.

Fridolin, G. Arawa, NSP.

poisin i save holim bek planti developmen.

8. I mas gat 4-pela divisen tasol long gavman. Nesenel Provinsal, Komyuniti na Viles gavman. Na maski long distrik gavman.

Thomas Therney, Malasang Viles, Buka.

# WARILONG ROT

Dia Edita - Mi sapatim toktok bilong brata Franis bilong ples Beringa long Kubalia long hap bilong Wewak Is Sepik Provins.

Brata mi amamas long ol toktok bilong yu i bin kamap long Wantok Niuspepa. Mi save olsem yu save nau long planti hap long ples bilong mi. Insait

long Sepik plain i no pilai. Samting olsem 5 tu 6 tausen pipel i stap. Na insait long wanpela hap i gat wanpela banis kau, kopi, kaukau na i gat planti komyuniti skul i stap insait long bik bus tru. Tasol wanpela kaunsil i tingting na wokim rot i go insait long dispela hap long Sepik plain.

Ol imas wokim rot i go daun olsem long hap bilong Tumbunagua i go long Sepik wara na long Wewak i go daun long Sepik Plain. Planti taim ol papamama bilong miepla is ave painim ahat tru long kisim kaikai i go long ol pikinini i stap long haiskul long Wewak. Na tu long salim ol kaikai ol i kamapim pinis long gaden bilong ol long Wewak maket. Olsem Wanem? I no gat rot, no gat ka bilong ran na helpim ol.

Dispela em bikpela wari ol provinsal memba na nesnel memba na ol viles kaunsila mas lukluk na tingting tru long en.

Alphonse Kari, Arawa, NSP.

# BIA BILONG MI YET

Dia Edita - Mi gat bikpela kros tru long SP botol long Madang. Long wanem, wanpela boi long Yabob viles insait long Madang provins em i bin kisim wanpela SP botol top ol i raitim yu winim K50.

Em i go long SP opis long Madang na em i soim tupela man long opis na tupela man i save long boi. Long wanem, em i save wok long Yabob klap na tupela i tokim em yu dispela boi yu stilim long ol man i kam baim bia long klap. Yu opim na taim yu lukim, yu no givim long ol. Yu stilim na yu kisim i kam long kisim mani. Na dispela boi hia em i go bek na kisim ol sampela boi ol i wok long haus na man husat i baim bia na givim ol na ol i dring.

Taim boi i opim bia bilong em stret em i lukim olsem winim K50 na em i soim dispela botol top long ol. Taim em i kisim ol i go long SP opis long sapatim em long kisim mani, tupela man hia long opis i senisim em na i tok long ol olsem givim mi telepon bai mi ringim bos man bilong klap.

Tasol dispela boi i tok nogat. Givim mi telepon mi laik ringim bos bilong SP na tok save long em. Na taim em i ring pinis na bos i kam na i askim tupela man long opis bilong wan me yutupela i senisim em long kisim

mani na i krosim tuepla nogut tru.

Olsem na mi tok ating yutupela i no man tru. Long wanem yutupela i save olsem ol SP i putim dispela long winim mani na sapos ol liklik o lapun manmeri i kisim, plis yupela i no ken wokim dispela kain pasin gen, orait. Na yutupela man hia i wokim dispela kain pasin lukim yutupela. Na nogat sem bilong yutupela stret.

Francis Aisome, Yabob Viles, Madang.

# ILEKSEN

Dia Edita - Ol kendidet i lus long dispela Nesenel Ilekse long mun Jun maski long bel hat na paulim tingting bilong ol gutpela man i no laik i stap insait long trabel.

Yupela i no ken paulim tingting bilong ol long i go pait wantaim ol lain bilong kendidet i win long ilekxen. Yupela man bihainim lo na polisi bilong pait bilong yupela. Ilekse i kamap long demokretik we olsem bihainim sistem bilong gavman mipela i gat long kantri. Na i bin gutpela na planti pipel i amamas long we ilekxen i bin ran. Ol lain i no amamas em ol sapota na kendidet i bin lus long ilekxen.

Ol kendidet i laikim pawa na gut taim tasol i bin kros nabaut long

we ilekxen i ran. Mi ting olsem mipela olgeta mas givim bikpela tenkyu tru long ilektral komisina, Mista Henry Veratau, long hat wok bilong em na olgeta manmeri i stap insait long dispela bikpela ilekxen.

Planti kain toktok i kamap. Tasol em ol pipel yet i mekim dispela kain bikpela nois nating, nating. Ilekse i kamap wanpela taim tasol. So toktok kros nabaut i kamap long dispela taim tasol na bihain sampela mun bai nogat moa. Ol tingting nau long wok bilong gavman tasol. Maski opim maus i stap. Yu lus pinis traim narapela taim.

Martin Ikau, Arawa, NSP.

# SALIM GUTPELA MIT LONG MAKET

Dia Edita - Taim mi laik wokim pati o piknik mi tingting long baim fres mit o fres kakaruk. Mi wok long painim i go long olgeta hap long stua tasol mi inap painim wanpela stret.

Orait. Mi traim i go painim long maket. Mi go na mi baim olsem 5 o 6-pela kakaruk i kam na mi mumuim wantaim kumu.

I kuk pinis na mi laik traim kaikai kumu tasol i no gat wara stret long kumu na mi lusim i stap. Taim mi kaikai kakaruk tu i no gat gris o wara stret long ol. Na mi kaikai pinis na bel bilong mi i pen nogut tru.

Olsem na mi tok, "Sapos mi sik bai ol fama i kam kisim mi i go long haus sik? Nogat tru stret. Olsem

na yupela ol famas tingting gut. Mipela ol kastomas i no pik o dok. Pik na dok i no gat tingting long wanem samting ol i save kaikai. Maski gutpela o nogut ol i save kaikai tasol.

Ating ol fama i putim gutpela bilong ol i stap long haus na i save karim ol nogut i kam long maket long salim. Olsem na yupela ol kakaruk famas i mas traim na rausim ol kain nogut kakaruk na givim long ol man husat i save salim kaikai long maket i gat pik o dok. Na traim salim ol gris kakaruk tasol long maket.

Siki Benjamin, Lufa, Goroka.

# MASKI BAGARAPIM NEM

Dia Edita - Wari bilong mi i go long pas bilong brata Yoanes Ananus i bin kamap long namba 24 de bilong mun Jun.



Yes, brata. Yu bin i tok long rausim ol Sepik i go bek long ples bilong gol. Ating yu mekim draipela krangi tok tru o waia bilong kru bilong yu i lus?

Bilong wanem astingting tru na yu mekim dispela kain toktok. Yu toktok long ol stilman i save bung wantaim na mekim Madang na Sepik trabel grup o?

Narapela bikpela

samting em Sepik i lusim Madang na ol Morobe bai i bihainim ol. Ol wok bilong ranim Madang Taun Kaunsil na wok bilong ranim spots bai i pundaun olgeta.

Brata, yu mas sem long dispela long wanem mipela i kirapim Madang. Sapos mipela i lus lain, Madang bai i olsem ples olgeta man i dai long en. Nogat man na

nogat nois. Olsem na Brata, neks taim tingting gut na rait.

Joseph Karang, Madang.

FIRST GRADE QUALITY USED CLOTHING

COME AND BUY.

HURRY! HURRY! HURRY!

WHILE THEY ARE IN STOCK.

A. Grade. Bales. 72.7Kg - K120

B. Grade. Bales. 45.4Kg - K100.

For further informations, write or call

PORT MORESBY CLOTHING Pty. Ltd.  
P.O. BOX 6647,  
BOROKO. PHONE: 25 2581.

OR

GOROKA KLOS STUA. Pty Ltd.  
P.O. BOX 916,  
GOROKA. PHONE: 72 1063.

Salim ol pas  
i kam long  
WANTOK  
BOX 1982  
BOROKO

## TOK I GO PAS

Buk bilong **JUDIT** i stori long ol lain Juda klostu i laik lus olgeta na klostu i laik painim bikpela bagarap long han bilong ol lain birua.

Tasol wanpela gutpela meri i stap, nem bilong Judit, em i save strong moa long bihainim olgeta lo bilong God. Na em i bilip strong, God inap sambai long pipel bilong em, na kisim ol bek long han bilong ol birua. Orait, na Judit yet i pre long God, bai God i strongim em long winim birua.

15 Judit i kamautim het long baksait, na em i holim antap bai ol pipel i ken lukim, na em i tok: "Dispela hia em i het bilong Holofernes, namba wan opisa bilong ami bilong ol Asiria. Na lukim, dispela hia em i taunam Holofernes i slip insait long em taim em i spak i stap. Bikpela yet i kilim em long han bilong wanpela meri. 16 Mi tok tru antap, Bikpela yet i lukautim mi long dispela rot mi bin bihainim. Naispela pes bilong mi i paulim Holofernes na em i bagarap. Tasol em i no bin mekim wanpela sin wantaim mi long semim mi o bagarapim mi. Nogat."

17 Olgeta pipel i kalap nogut tru, na ol daunim het na lotuim God. Ol i singaut wantiam olsem, "Ona long yu, God, Bikpela bilong mipela. Tude yu bin daunim na semim ol birua bilong mipela pipel bilong yu."

18 Na Asaia i tok olsem long Judit, "Judit, pikinini bilong mi, God i stap antap tru, em i bin onaim yu moa long olgeta meri bilong graun. Ona long God, em i Bikpela. Em i bin wokim heven na graun. Em i stiaim han bilong yu long katim het bilong lida bilong ol birua bilong yumi. 19 Na olgeta taim ol manmeri i stori long strong bilong God, bai ol i no inap lusim tingting long strongpela bilip bilong yu. 20 God i ken givim ona long yu oltaim, long samting yu bin mekim. Na em i ken givim yu planti gutpela samting, long wanem, yu bin wokabaut stret long ai bilong God na yu no bin tingim laip bilong yu yet, taim ol pipel i laik bagarap. Nogat." Na olgeta pipel i bekim: "Em i stret. I tru. I tru olgeta."

Judit i redi

14 I Orait, nau Judit i tokim ol, "Ol bratasusa, harim mi pastaim. Yupela mas kisim dispela het na hangamapim long banis bilong taun. 2 Long tulait, taim san i kamap, olgeta strong-

pela man i mas karim banara na spia bilong ol na go ausait long taun. Yupela mas makim wanpela lida pastaim, na i mas luk olsem yupela i redi long go daun long ples stret, bilong pait wantiam ol Asiria, em ol i sanap i was i stap. Tasol yupela i no ken go daun tru. 3 Ol Asiria bai kisim ol samting bilong pait, na ol bai ran i go long kem long kirapim ol lida bilong ami bilong ol. Na bai ol lida i ran i go insait long haus sel bilong Holofernes, tasol bai ol i no inap painim em. Nau bikpela pret bai bagarapim ami olgeta, na ol bai ranawe long yupela. 4 Nau yupela na olgeta arapela man bilong Isrel i mas bihainim ol na i mas kilim ol indai long rot yet. 5 Tasol, pastaim yupela i mas bringim Akior, man bilong Amon, i kam long mi. Bai em i ken luk save, em i Holofernes o nogat. Em i ken luk save, dispela em i het bilong man i bin semim ol Isrel, na i bin salim Akior yet i kam long indai wantaim yumi."

Ol Asiria i longlong nabaut

11 Tulait i kamap, orait, ol i hangamapim het bilong Holofernes long banis, na olgeta man i kisim banara na spia na ol i wokabaut long wan wan lain i go daun long ol maus bilong ol rot i kamap long taun. 12 Ol Asiria i lukim ol na ol i salim tok save i go long ol bosman bilong ol. Ol dispela bosman i bringim tok i go long ol lida, long ol kepten na long ol narapela opisa. 13 Ol lain opisa ya i kam long haus sel bilong Holofernes na ol i tokim Bagoas olsem, "Kirapim bikpela bilong yumi, long wanem ol rabis Isrel i laik traim strong bilong yumi na ol i kam daun long pait wantaim yumi. Ating ol i laik bai yumi pinisim ol, a?"

14 Orait, Bagoas i go insait na paitim han klostu long dua bilong rum slip, long wanem em i ting Holofernes i slip yet i stap wantaim

Judit. 15 Tasol i no gat bekim. Olsem na em i opim dua na em i go insait, na em i painim bodi bilong Holofernes i slip antap long wanpela liklik sia na i no gat het bilong em i stap. 16 Em i singaut strong tumas. Aiwara bilong em i pundaun, na em i brukim klos bilong em. 17 Nau em i go insait long haus sel bilong Judit, tasol i no painim em. Orait, em i ran i kam ausait long ol pipel na em i singaut olsem, 18 "Dispela lain slev i trikim mipela pinis. Wanpela meri bilong ol Hibru i semim tru kingdom bilong Nebukatnesa. Yupela lukim, bodi bilong Holofernes i slip long graun, na het bilong em we?" 19 Ol opisa bilong ol Asiria i harim ol dispela tok, na ol i kalap nogut tru. Oli brukim klos bilong ol, na ol i singaut na kraisor i nogut tru long olgeta hap bilong kem.

Ol Isrel i win

15 I Taim dispela nius i kamap long kem, ol soldia i harim na ol tu i kirap nogut tru. 2 Ol i pret na wari na ol i no moa bung i stap wantiam. Nogat. Ol i ranawe i go, na ol i bihainim ol kain kain rot i stap long ples stret na long ol maunten. 3 Ol lain i bin sindaun antap long ol maunten nabaut long Betyulia, ol tu i ranawe. Orait, nau olgeta soldia bilong Isrel i kam daun hariap na i ranim ol.

4 Asaia i salim tok save i go long ol ples Betomastaim, na Bebai, na Koba, na Kola na long olgeta hap bilong Isrel. em i tokim ol long ol samting i kamap pinis, na em i askim ol long kirapim pait wantaim ol birua na pinsim ol. 5 Ol Isrel i harim dispela tok, orait, olgeta ol i kirap pait wantaim ol birua. Ol i ranim ol i go inap long Koba na ol i kilim ol indai. Ol man bilong Jerusalem, na bilong ol maunten ol tu i kam, long wanem, ol i harim nius long ol dispela samting i bin kamap long kem bilong ol birua. Na ol man bilong Giliat na Giliat i banisim ol Asiria na ol i bagarapim ol tru. Ol i ranim ol i go inap long Damaskas na ol hap bilong em, na ol i go moa yet.

I go  
moa long  
neks wik.


# Katekis Go Skul Long Rom

**BISOP Ceasar bilong Goroka i bin salim pinis wanpela katekis, Ludger Mond, i go stadi long Rom long tupela yia olgeta.**

Ludger Mond i bilong Mai viles long Simbu provins na em i gat 25 krismas bilong em. Em i save wok katekis long Goroka na Simbu daiosis aninit long Pater William Kurtz. Em i lusim PNG long go long Rom long Trinde 11 Ogas.

Ludger bai skul long wok bilong katekis long misineri koles long Kasel Gandolfo long Rom. Dispela i namba wan taim tru bilong Ludger long go stad ausait long PNG. Na em i tok, "Taim mi kam bek bai mi wok long pastoral senta bilong mipela long Goroka. Bai mi givim trening long ol katekis na sios lida bilong Simbu na Goroka wantaim.

Long 1970 i go inap long 1975, Ludger i bin go skul long Saint Fidelis Koles long Madang. Bihain em i go long Erave long



Ludger Mond i go stadi long wok katekis long Rom. Em bai stap tupela yia long Rom.

skulim tingting bilong em na long strongim bilip bilong em long mekim wok katekis. Long yia 1977 em i go long Kundiawa na i mekim wok bilong seketeri long Fainens Dipatmen. Na long yia 1978 i go inap long 1980 Ludger i go bek gen long Bomana Seminari.

Long 1981 i kam inap long namel bilong

dispela yia, Ludger wok long hap bilong Simbu peris long stretim ol pepa na mekim wok katekis na skulim ol bikman na meri. Na em i save skulim ol sumatin long ol komyuniti skul na long ol haikul. Em i save skulim ol sumatin bilong Chuave, Muaina na Kerowagi haikul relisen.

Ludger i tok, "Mi

bilong Simbu, tasol bikos Simbu i stap aninit long Goroka daiosis, mi save wok long tupela hap wantaim. Long 8 Septemba, bai Simbu i gat nupela daiosis bilong em yet long taim Pater William Kurtz i kamap bisop bilong Simbu."

Pater William Kurtz i stap wok long Simbu tasol em i bilong kantri, Polan long Yurop.

## Sande lotu

Frank Mihalic

SANDE NAMBA 22 BILONG YIA 29 Ogas 1982 (Mak: 1-8. 14. 15.21-23.)

Long relisen bilong ol, ol Juda i gat planti kain tambu long bihainim. Ol i strong tru long dispela pasin, na ol i tok, ol dispela lo i bin kam long Moses long olpela Testamen yet...Ol i gat planti tambu long wasim han plet, long pasin bilong kilim abus na kaikai mit, long pasin bilong wokabaut long Sarere bilong ol. Tude yet Praim Minista bilong Isrel (em kantril bilong ol Juda tude) i no save wokabaut wantaim ka long Sande bilong ol. Strongpela lo i tambuim em.

Jisas tu i Judaman. Tasol em i behat long lukim ol wantok i bihainim nating kain kain tambu bilong relisen bilong ol. Tasol tingting belong ol i stap longwe long God. Olsem na Jisas yet i brukim sampela dispela tambu.

Asto bilong Jisas i go olsem: ausait bilong yu, em i samting nating. Insait bilong yu - bel bilong yu, hat bilong yu, spirit bilong yu - em i samting tru. Yumi mas lukaut bai rong na sin i no go insait long yumi. Ol dispela kain samting ol inap long bagarapim spirit. Tasol kaikai na dring - dispela i no bagarapim spirit. Jisas yet em i givim dispela eksampel bilong kaikai. Em i tok: olsem wanem na samting yu kaikai long maus bilong yu, em inap long bagarapim sol o spirit bilong yu? I no ken. Long wanem, kaikai i no kamap long spirit bilong yu. Kaikai i go long bel na i go daun long rot bilong pekpek na em i pinis long smolhaus. Olsem wanem na dispela i bagarapim yu? Sapos i olsem, yumi olgeta i bagarap.

Na dispela i pasin bilong olgeta kain kaikai. Olgeta i wankain tasol. Olgeta kain i pinis long smolhaus. Na olgeta dring tu...Maski em i mit bilong pik o kau. maski em i ti o koi o koka kola.

Maski em i buai o blakpela loliwara. Olgeta kain kaikai i pas insait long dispela skul bilong Jisas. Na sapos yu laik ritim narapela stori long dispela samting, yu opim "Wok bilong Ol Aposel" long sapta 10 lain 9 na i go...

Jisas i strong long dispela tok: I no samting i go insait long maus bai mekim bel bilong yu i doti. Nogat. Tasol samting i kamaut long bel bilong yu na insait bilong yu, em i ken mekim yu doti. Na hia Jisas i kolim nem bilong ol pasin nogut. Olsem pasin stil na bagarapim marit na mangalim ol samting na tok baksait. Watpo ol dispela i pasin nogut na i pasin doti tru? Bikos yu no ken mekim nating ol dispela samting. Yu mas tingting pastaim, na bihain yu mekim. Olsem na ol i save kamap long insait tru bilong bel bilong yu. Na ol i olsem wanpela marasin nogut i kamaut long bel bilong yu.

Tasol i gat planti gutpela samting tu i ken kamaut long spirit na bel bilong yu. Em ol pasin tu, yu mas tingim pastaim, na bihain yu mekim. Olsem pasin bel isi, klinpela pasin, pasin bilong laik, na pasin bilong mekim gut long narapela.

Jisas i no tambuim yumi long bihainim sampela tambu. Nogat. Astingting bilong tambu long wanpela kaikai o pasin, em i bilong onaim God o strogim spirit o mekim liklik ofa long God. Em i gutpela samting. Tasol Jisas i krosim ol manmeri i bihainim olkain tambu na ol i mekim nating. I no gat wanpela gutpela tingting bilong ol i poromanim tambu bilong ol. Dispela i sutim graun nating.

Astingting bilong Jisas i go olsem: Tingting i kam long insait bilong yu, em inap long mekim samting i gutpela o i nogut samting bilong ausait, em i skin nating.

# Man I Kilim Mun

**LONG bipo bipo tru i gat wanpela bikpela mun i stap long skai. Sais bilong en i bikpela moa winim dispela mun yumi save lukim nau.**

Wanpela taim mun i tingting long kam daun long graun. Na em i lusim skai na kalap long rop bilong em i kam daun long Tarata viles long Not Solomons Provins.

Em i kam daun long belo stret. Na em i lukim ol liklik pikinini tasol i pilai i stap long ples. Olgeta bikpela manmeri i go pinis long gaden. Mun i daunim spet na i tingting long kaikaim ol pikinini. Na em i karim sampela banana mau i go lusim long arere long ol haus. Na em i hait i stap.

Ol pikinini i lukim banana mau na ol i go bung na kaikai i stap. Mun i holim sampela bilong ol na daunim ol i go daun long bel bilong em.

Long apinun ol papamama i kam bek long ples. Man! Ol i painim pikinini bilong ol. Tasol nogat tru, ol ino inap painim ol.

Olgeta de ol pikinini bilong ol i wok long lus na ol papamama i tingting plnati nau. Na wanpela de olgeta pipel i bung long bikpela kibung bilong ol. Na ol i tokim wanpela man long was i stap long ples na painimaut long as

bilong dispela samting.

Long neks moning olgeta manmeri i go long gaden bilong ol. Narapela man yu i hait na was i stap. Long belo stret em i lukim mun i kam daun long skai.

Em i kalap long rop bilong em i kam daun long graun nau. Na em i giamanim ol pikinini i go arere long wanpela haus na daunim olgeta. Bel bilong em i pulap pinis na em i kalap long rop gen na go bek long skai.



Long dispela apinun man ya i tokim ol manmeri long ples. Em i tok, "Mun ya i bikpela man tru na i gat draipela het bilong em. Na em i save kisim bikpela rop na kalap long en i kam daun na i go bek long skai. Bel bilong em i no pilai, pilai, draipela tru ya!"

Olgeta man long Tarata Viles i harim olsem na ol i redi long pait wantaim mun. Ol i makim wanpela man long katim rop na tupela man long katim wanpela lek bilong mun. Na tupela man bai katim arapela lek. Planti ol arapela bai

sambai long katim nek na bel.

Olgeta man i kisim ol tamiok, spia na planti samting bilong pait na redi i stap. Ol i salim ol meri i go wok long gaden. Na ol i tokim ol liklik pikinini long pilai nabaut long ples i stap.

Long 12 klok belostret ol i lukim mun i kalap long bikpela rop bilong em i kam daun. Em i lukim ol liklik manki na em i amamas tru. Em i kalap hariap i go daun na hait arere long wanpela haus i stap.

Em i traim long holim pasim ol pikinini. Tasol ol i singaut na ranawe nabaut. Ol man i kirapim kwiktai na wanpela i siksti tasol i go katim rop, na foapela man i go katim tupela lek. Em nau ol i kirap na katim bodi bilong mun i go liklik liklik tru olsem pipia. Na mun i dai olgeta.

Long nait nau ples i tudak olgeta, nogat mun i lait long skai. Olsem na olgeta manmeri long olgeta hap graun i sori tru. Ol manmeri na pikinini i no inap woka-baut raun long nait.

Olgeta man i wari tru. Olsem na ol i kibung long wanpela de long stretim dispela samting. Na ol i paitim toktok long painim wanpela samting long putim antap long skai long kisim ples bilong mun.

Ol i laik painimaut husat tru inap long flai i

go long skai. Na ol i kirap na makim wanpela tarangu long mekim dispela wok tasol. Long wanem em i strongpela pisin na inap long flai i go antap tru.

Pisin tarangu i flai na sut i go antap long skai. Em i flai i go i go tasol em i sotwin. Long wanem skai i longwe yet na em i les. Olsem na em i flai i kam daun gen long graun.

Na ol man i salim narapela liklik pisin gen. Em i wokim i no inap na kam bek gen. Bihain ol i salim narapela bikpela pisin. Tasol dispela pisin i go sotwin gen long namel na flai i kam bek long graun.

Olgeta kain pisin i traim tasol ol i no inap. Em nau ol i pasim tok long salim tupela pisin wantaim. Ol i kisim pisin ol i kolim swiflet. Em i wanpela pisin olsem manangunai tasol em i save wokim haus insait long hul bilong ston.

Na ol i bungim swiflet wantaim pisin ol i kolim pentanug. Dispela liklik pinis pentanug i gat retpela nek na longpela tel i pulap long retpela kangal. Tupela pisin ya i karim wanpela liklik hap ston olsem mun na flai wantaim i go antap long skai.

Tupela i go antap tru winim mak bilong ol narapela pisin. Na ol i go yet. Maski bun i pen, maski bikpela san, maski hangre i kilim ol, tupela i



go yet. Ol i go na kamap long mak bilong skai.

Tupela i pasim dispela liklik hap mun long skai nau, liklik pisin pentanug i kukim gras bilong tel bilong en. Na ol i laitim paia long mun na tupela flai i kam daun gen long graun. Em nau mun i lait gen na ol manmeri long graun i amamas tru.

Ol manmeri long olgeta hap graun i givim bikpela tenkyu tru i go long dispela tupela pisin. Na ol i bung wantaim na mekim bikpela pati. Tasol ol dispela lain husat i bin kilim mun long Tarata viles i ranawe.

Ol i ranawe i go wokim nupela ples long Loloho na stap long en. Ol wanpisin bilong ol i stap yet i kam inap nau long taim bilong yumi. Sapos yu go long Loloho long Not Solomons Provins bai yu ken lukim ol dispela lain i stap.

Yu traim lukluk long mun long wanpela nait. Bai yu ken lukim ol mak mak i stap namel. Dispela

mak i kamap long taim taim ol i wok long fomim nupela liklik mun. Dispela mun i no inap kam daun gen long graun, long wanem ol man i katim dispela rop bilong em pinis.

**Matthew Playo Andrew,**  
P.O. Box 732,  
Arawa, NSP.

**Notis: Taim yupela salim Tumbuna Stori yu mas salim P.O. Box namba bilong yu. Sapos mipela i printim stori bilong yu bai mipela i ken salim stret K4 i kam long yu.**

## pasel pes pasel p

I gat 15 toktok i hait i stap insait. Yu inap painim o no-gat?

- EDUKESAN
- TEKSAS
- FOREN
- AFEAS
- ANTAP
- KOPRA
- KLES
- YUTILITI
- OLKAIN
- TOLAI
- JEMANTAIM
- HAGEN
- ANIS
- GUTAIM
- BIPO

E	D	U	K	E	S	I	O	F	O	R	E	G	I	K
T	E	K	S	T	E	K	S	I	F	O	U	N	A	O
E	S	Y	U	T	I	L	I	T	I	T	A	N	L	L
A	Y	I	N	O	W	A	R	I	A	B	I	K	A	E
R	I	P	N	L	O	N	G	I	S	P	A	I	K	S
P	H	A	G	A	N	H	M	H	A	I	H	A	G	A
O	K	K	A	I	M	T	A	N	N	A	N	I	N	S
K	N	J	E	M	A	N	T	A	I	M	T	I	L	H
Y	U	T	I	L	I	T	O	J	G	U	S	A	I	A
S	K	O	R	P	N	E	S	E	K	U	D	E	A	G
A	T	U	M	E	T	A	M	B	U	S	N	A	S	E
S	K	O	R	K	O	N	E	E	A	F	O	R	A	N
K	B	O	B	I	P	Y	N	E	L	E	O	P	I	B
E	F	K	O	P	R	R	F	T	E	K	S	A	A	S
T	T	E	K	S	A	A	N	T	A	P	T	A	M	B

## YU INAP PAINIM TOK I HAIT?


SINO




ATRIKU



LIPIM



ROLEPT




Yu save ritim nius long dispela pepa. Traim save bilong yu nau long painim ansa bilong dispela pasel.





**Ansa bilong las wik: Trik, Boksen, Loman, Pipel, ELISABET**

**Dispela pasel em i isi tru. Yu ken putim pensil bilong yu long en na painim rot wantu. Tasol lukaut! Glasim gut pastaim, nogut yu paul long rot!**



**ANSA BILONG LAS WIK**





Timothy Bonga  
Nawae Pangu



Henu Hesingut  
Finschhafen Pangu




Genjimp Mump  
Middle Ramu Pangu




Paul Kamod  
Madang Open Pangu




Tom Pais  
Madang Provinsal Pangu




Tom Muliap  
Usino-Bundi Pangu




Paul Awikia Wanjik  
Wosera-Gai Pangu



John Numi  
Sinasina-Yonggamugl




Micah Wes Wul  
Vanimo-Green River Pangu




Gabriel Ramoi  
Aitape - Lumi Pangu

O  
I  
N  
O  
T  
K  
O  
S


# OI Nupela Memba




Labi Yabanoya  
Okapa Pangu




Albert Kipalan  
Wabag PPP



Neopakali Kemben  
Kompam - Ambum Pangu



Soso Tomu  
Kagua - Erave




Aruru Matiabe  
Koroba-Lake Kuiago




William Ank  
Mendi PPP

O  
I  
H  
a  
i  
l  
a  
n  
s




Bai Waiba  
Nipa - Kutubu Pangu




Marabe Makiba  
Komo - Maragarima Pangu




Kindi Lawi  
Westen Hailans Pangu



Joel Pepa Pawa  
Baiyer - Mul




William Wi  
Not Wahgi




Roger Palme  
Angalimp-Saut Wahgi



Thomas Negints  
Tambul-Nebilyer



James Kuru Kupul  
Jimi




Peter Kuman  
Kundiawa Nesenel Pati




Pawa Sisioka  
Karimui-Nomane




David Tul  
Kerowagi



Bill Ninkama  
Gumine Open



**BEIRUT, LEBANON OGAS 8** — Tarangu lapun man ya i putim olgeta samting bilong em long wilka na ranawe i go. Em i wok long painim haus bilong slip. Woa i kamap na bagarapim haus na olgeta samting. Yu ken lukim smok bilong haus i paia long baksait.



**PARIS OGAS 11** — Ol dispela paiaman i helpim liklik pikinini i kam ausait long haus, long taim haus bilong em i paia. Narapela foa-pela man i kisim bagarap long dispela paia.



**BEIRUT, LEBANON OGAS 12** - Ol soldia bilong Israel i wok long painim ol paitman bilong Palestain Libaresesen Oganaisesen long Burjal - Barajna kem long Beirut.



**HOUSTON, AMERIKA OGAS 10** — Tupela CID plisman i wok long askim Coral Eugene Watts (raithan) husat i bin kilim 22 pipel insait long 6-pela biksiti. Sapos em i tokaut stret bai kot i ken daunim 60 yia kalabus bilong em i kam daun liklik.



**PARIS OGAS 9** — Tupela man i karim dispela man i go long haus sik. Man ya i bin kisim bagarap taim sampela man i sutim em long gan insait long siti. Narapela 6-pela pipel i dai na planti arapela manmeri i kisim liklik bagarap.



**LEBANON OGAS 11** — Mama Theresa bilong India i go long biksiti Jounieh long lukim ol sista long oda bilong em. Em i kisim wanpela liklik bot long Saipres na kam long Lebanono. Ol niusman i laik kisim toktok long em tasol i les liklik. Bikpela pait i kamap long hap bilong Lebanon.



**INVESTMENT CORPORATION FUND**  
 sapos yu laikim fri buk,rait tasol i go long:  
 P. O. BOX 155, Port Moresby.





# Yuni I Les Long Lus

Wantok  
**Spot**

Namba 72 - 21 Ogas, 1982.




*Kaman, Golkipa! Yu wetim wanem? Kalap i kam na holim bal hariap! Rapa tona i giamanim dispela goli bilong Mopi planti taim na gol i kamap.*

Insait

## Demons - Kwin



**Meri - Soka**



**Hoki-pes 6**




**Madang-p 2**



*Grace Noka bilong Nu Nesen i kisim bal pinis. Tasol i luk olsem em i nogat rot nau long wanem ol Demons i banisim em pinis. Ol Demons iautim tiket bilong Nu Nesen long Mosbi netbal gren painal.*

*Poto - Donaldson Muraba*

# Madang Primia Soka



Long dispela pilai namel long Tek na Momase Primia tim, ol Momase i rapim gut Tek 2-1. Dispela straika bilong Momase i no save pilai long ol fulbek na golkipa bilong narapela tim. Yupela ol Tek i mas pilai gut na no ken sutim bel bilong em tumas.



Long Laiwaden pilai graun ol Tek wantaim Momase i hatim bun liklik tasol. I no samting tru. Tasol Paul Kig, fowat bilong Momase i saitim long arere i kam long katim lek bilong ol Tek. Momase rapim Tek 2-1.

G. Singleton

Ayo!!! Mama!!! Belsut bilong dispela Guria goli i no isi. Pilaia bilong Yut i krungutim em na i laik sutim gol. Tasol Gruia i win yet long 5 gol.

## POIN LATA

MOSBI SOKA

PRIMIA DIVISEN

TEAM	GP	W	D	L	GF	GA	PTS
UNIVERSITY	15	11	0	4	50	28	22
SUNAM	15	10	1	4	46	24	21
GURIA	14	10	0	4	53	29	20
RAPATONA	15	7	3	5	42	34	17
JARANGAU	14	7	2	5	35	28	16
GFC	15	7	2	6	33	31	16
KUNTA	15	6	4	5	24	26	16
LUTHERAN YOUTH	15	5	3	7	23	34	13
MOPI	15	5	1	9	25	54	11
KORION	14	3	2	9	23	33	8
KIRIWINA	15	3	2	10	20	35	8
KUMUL	14	3	2	9	21	39	8
	176	77	22	77	395	395	176

### WEEK END RESULTS

SAT 14/8  
 Guria 5 - Kiriwina 0  
 UNI 1 - Kiriwina 0  
 SUN 15/8  
 Sunam 4 - Korion 1  
 UNI 4 - Regal Kumul 3  
 GFC 1 - Kiriwina 2  
 RAPATONA 9 - MOPI

### 1ST DIVISEN

TEAM	PLAYED	WON	DRAWN	LOST	FOR	AGAINST	POINTS
WALIYA	15	13	1	1	66	29	27
P.N.G.D.F.	15	11	2	2	45	28	24
SEMINARY	15	9	2	4	44	29	20
TOGELU	15	8	2	5	42	30	18
TATANA	15	8	1	6	41	41	16
KULA	15	5	2	7	34	36	14
KIVENAVAU	15	5	3	7	26	31	13
ILIMO	15	4	3	8	31	50	11
MAEGIN	15	4	2	9	52	53	10
AMDANA	14	4	1	9	28	43	9
YOUTHS	15	4	1	10	28	45	9
MUNGAS	14	3	1	10	26	45	7

### SCORES:

WALIYA 7 TATANA 0  
 KIVENAVAU 2 P.N.G.D.F. 4  
 YOUTHS 1 MUNGAS 4  
 SEMINARY 1 TOGELU 2  
 AMDANA 3 MAEGIN 2  
 ILIMO 2 KULA 2

M. Hornes  
 Co-ordinator

### U19 DIVISEN

	P	W	D	L	F	A	PTS
SOGERI	13	10	2	1	47	16	22
SUNAM	14	9	4	1	39	19	22
UNI	13	8	2	3	35	15	18
GURIA	13	7	3	3	25	16	17
LUTH. YOUTH	13	7	2	4	28	22	16
KUNTA	14	6	3	5	36	26	15
KIRIWINA	14	4	2	8	17	25	10
G.F.C.	14	4	0	10	31	37	8
MOPI	13	3	2	8	17	33	8
JARANGAU	13	2	1	10	18	40	5
POH TECH	14	2	1	11	12	56	5

### RESULTS

SOGERI 2 SUNAM 2  
 LUTH. YOUTH 3 GURIA 2  
 UNI 2 KIRIWINA 1  
 JARANGAU 2 KUNTA 1  
 GFC 0 KIRIWINA 1  
 UNI 2 POH TECH 0 (REPORT)

### 3 DIVISEN

	P	W	D	L	F	A	PTS
SUNAM	15	10	3	2	53	21	23
FAZE	15	10	3	2	48	20	23
UNI	15	10	2	3	35	21	22
KIVENAVAU	15	8	4	3	38	32	20
KEISUZU	15	9	1	5	52	34	19
KUMUL	15	8	2	5	39	26	18

KS	P	W	D	L	F	A	PTS
TOGELU	15	7	2	6	33	32	16
JARANGAU	15	5	4	6	36	40	14
BUN BUN	15	3	4	8	21	40	10
KABA KABA	15	3	2	10	23	38	8
MAEGIN	15	2	1	12	23	49	5
	15	0	2	13	14	69	2

### 5TH DIVISEN

	P	W	D	L	F	A	PTS
LSC	15	7	3	5	43	18	21
AMAYAVA	15	4	3	8	25	14	21
KORION	15	8	4	3	27	20	20
YUCA	15	6	7	2	23	21	19
ELCOM	15	5	8	2	19	12	18
WALIYA	14	7	3	4	31	29	17
KIRIWINA	14	8	1	6	22	15	16
KAPIT	15	6	2	7	22	28	14
PISTOM	15	4	3	8	19	30	11
SESEKGA	15	3	5	7	14	27	11
MIDA RUA	15	2	1	12	14	29	5
TANUBADA	15	1	3	11	17	38	5

SCORES as at 14<sup>th</sup> August + 15<sup>th</sup> August 1982

Kiriwina 2 v LSC 4  
 Kapit 2 v YUCA 2  
 Amayava 3 v LSC 2  
 Korion 6 v Mida Rua 1  
 Kiriwina 2 v ELCOM 1  
 Waliya 2 v Sesekga 2  
 Pistom (forfeit) v Tanubada 2 points 2 goals

# Yuni I Les Long Lus

## MOSBI SOKA DRO

SARERE 21, OGAS 1982  
HMS

Taim Gret	Tim	Reperi
12.30	2nd	Kesebo V Stone Axe
2.15	2nd	GFC V Seminari
4.00	2nd	Kapit V R Kumul

### DIFENS

12.30	1st	Seminari V Kula	Manoi
2.15	1st	Tatana V Mungkas	Warap
4.00	1st	K'navau V Togelu	Raka

### BISINI 1

12.30	U19	Sunam V Kiriwina	Kepi
2.15	U19	Yuni V Mopi	Don
4.00	Prim	Sunam V Kiriwina	Ley

### BISINI 2

12.30	U19	GFC V Tarangau	Mais
2.15	Prim	Yuni V Mopi	Rademach
4.00	Prim	GFC V Tarangau	Pouru

### NOMADS

12.30	3rd	Livapul V Togelu	Riribi
2.15	3rd	Faze V Maegin	Wasena
4.00	3rd	Tarangau V KadaKada	

### ADKOL 1

12.30	5th	Amuyawah V Tanubada	Mata
2.15	5th	Elcom V Korion	Reve
4.00	5th	YMCA V LSC	Panga

### ADKOL 2

12.30	5th	Mida Rua V Waliya	Mela
2.15	5th	Kiriwina V Kapit	Panga
4.00	5th	Pistom V Sesekrnzia	Mata

SANDE 22 OGAS, 1982

### HMS

12.30	2nd	Jevaha V A.N.G.	Sapek
2.15	2nd	Ali Utd V Kep Wut	Warap
4.00	2nd	Guria V Baba	Don

### STADIUM 2A

12.30	5th	Kiriwina V Waliya	Manoi
2.15	Meri	Waliya V Kep Wut	
3.30	Meri	Sunam V Rapatona	

### STADIUM 2B

12.30	Meri	Kula V Luteran	Manoi
1.45	Meri	Louisade V Yuni	
3.00	Meri	GFC V Tarangau	
4.15	Meri	Togelu V PNGDF	

### DIFENS

12.30	1st	Maegin V Luteran	Manoi
2.15	1st	Waliya V PNGDF	Molean
4.00	1st	Amoana V Ilimo	Riribi

### BISINI 1

12.30	U19	Guria V Kunta	Moule
4.00	Prim	Guria V Kunta	

### BISINI 2

12.30	4th	Gomba V Vaira Bros	Raka
2.15	Prim	Korion V R.Kumul	Vee
4.00	Prim	Rapatona V Luteran	

### NOMADS

12.30	3rd	K.S V Yuni	Kepi
2.15	3rd	BunBun V KE Isusu	Mais
4.00	3rd	Sunam V R Kumul	Mangor

### ADKOL 1

12.30	4th	Kunta V Sabam	Mata
2.15	4th	STS Bros V PNGDF	Reve
4.00	4th	Sogom V Katumani	Panga

### ADKOL 2

2.15	4th	Rapatona V Mopi	Mela
4.00	4th	Gokata V Mover Bros	Mela

## WEWAK SOKA DRO

SARERE OGAS 21, 1982

TAIM	TIM	REPERI
<b>U19 DIVISEN</b>		
9.00	Wama V Is Wes	Luteran - G-A
9.00	Passam V Difens	Wama Is - G-B
10.15	Guria V Wullet	Difens - G-A
10.15	Kipes V Luteran	Passam - G-B

### 1ST DIVISEN

Olgeta gem graun B		
11.45	Posinu V Is Wes	Brandi
1.00	Sunam V Is Wes	Kipes
2.15	Guria V Difens	Posinu
3.30	Kipes V Wama Utd	Is Wes
4.45	T'ngau V Brandi	Passam

### Primia Divisen

Olgeta gem Graun A		
1.00	Difens V Luteran	Sunam
2.15	Passam V T'ngau	Difens
3.30	Guria V Sunam	Wama
4.45	Wama Utd V Wullet	Luteran

TIM BYE: 1st Passam



John Sirigoi bilong Kiriwina i traime banisim rot bilong Terry Lallila. Terry i no surik. Em i trai hat na tim bilong em, Yuni i daunim Kiriwina 1-0.

**YUNI i les pinis long lus, olsem na ol ol i traime nau long apim gen nem bilong ol.**

Long 4-klok long apinun, taim reperi, Ley, i go insait long ples pilai, long Bisini, ol pilai bilong Yuni i no redi gut long pilai yet.

### Benny Bogg

Sampela i wok long pulim soks na stretim su taim ol pilai bilong Kiriwina i dens na kalap kalap i go insait long pilai graun.

Bihain long reperi i tok pilai i stat nau, ol pilai bilong Kiriwina na Yuni i sapim sarep bilong ol long katim bal.

Long namba wan hap bilong pilai, Yuni i pilai wantaim planti pawa. Kiriwina i save painim hat tru long kam insait long graun bilong Yuni long sutim gol. Kiriwina i bekim wantaim planti strong-pela kik long gol bilong Yuni. Ol dispela kik i kam long senta lain tasol.

Yuni i no westim taim. Bihain long 15 minit long stat bilong gem, fulbek bilong Yuni, Terry Dalila i pulim bal i go na salim long Jasper. Na Jasper i no wet liklik. Em i karim bal long het bilong em na sutim i go long raitwing bilong Yuni. Peter Werei i lukim bal i plai i kam na em i go putim lek long en. Man, bal i ran olsem laitning na planti

manmeri i no save em i go we. Wisel bilong reperi tasol i tokim ol olsem bal i go insait pinis long gol bilong Kiriwina.

Skoa nau i sanap olsem, Yuni 1, na Kiriwina 0. Kiriwina i no luk wari tumas. John Sirigoi bilong Kiriwina i bilip tru olsem ol bai bekim dispela gol. John i pilai olsem Pele stret na planti taim em i save kam insait long beklain bilong Yuni na straikim bal. Em i save kikim ol hatpela bal na planti taim klostu em i kamautim het bilong Bruce Vere, golkipa bilong Yuni.

Long pinis bilong pes hap, Yuni i go pas 1-0. Long sekan hap, Kiriwina i wok long pamim bal antap tasol long gol kipa bilong Yuni. Ol i laik mekim longlong long ol Yuni pilai.

Ol Kiriwina i ran naut long pilai graun na reperi Ley tu i paul pinis long putim wisel long maus bilong em. Na em i holim tasol long han na ran i go kam.

Ol Yuni i laik pilai mabol liklik tasol i no inap. Klostu gem i laik pinis na wanpela pilai

bilong Yuni i kisim bagarap long su bilong Sato, golkipa bilong Kiriwina. Tasol ol Yuni i no wari tumas. Soka em kaikai bilong ol tu ya.

Klostu long pilai i pinis, fulbek bilong Yuni Gabriel Pise, i subim Mathaias, wanpela pilai bilong Kiriwina. Na reperi i givim fri kik i go long Kiriwina. Tasol dispela kik i go arere na skoa i stap olsem 1-0. Na Yuni i win.

Kosa bilong Yuni, Stalin Jawa i tok, "Kiriwina i wanpela strong-pela tim tru. Planti ol

narapela tim tu i bihainim wankain stail bilong Yuni long we ol i save pilai. Mi bin stat wok kosa long yia 1973 i kam inap long nau, na mi ting bai Yuni primia tim i ken winim gen soka pinal bilong dispela yia."

Stalin i tok olsem Yuni i bin lus long Rapatona long las wik, bikos ol Yuni pilai i ting man husat i sutim gol i bin opsait. Olsem na ol i no ran i go long bungim em na em i kik long gol mak. Bikpela tingting bilong Stalin em long lukim ol Yuni i go pas long olgeta tim long primia.



Yutupela olsem wanem? Traime lukluk gut long bal na kik! Pilai bilong Yut i slip long graun yet na Guria i kisim bal i go putim gol. Guria i memeim Yut 5-0.

# Demons - Kwin Bilong Mosbi Netbal



Peiru David (Nu Nesen) i laik holim bal. Tasol i luk olsem em i no kwik tumas na bal bai pas long nus bilong em.



Ol sempion i lain i stap. Kas bilong yupela ol Demons. (R-L) Kari Kapani, Maragret Rabusiro, Marian Walsh, Ila Vala, Mary Au, Iamo Launa na Sue Poley.

**DEMONS** i kwin yet long Mosbi Netbal. Isi tasol ol i autim birua bilong ol Nu Nesen 24-14.

**Pauline Laki**

Nu Nesen i bin givim Gren Painal i go long ol long stat bilong pilai yet. Long pes 5 minit Demons i putim 7 poin olgeta na Nu Nesen i wok long karim kiau wokabaut.

Dispela em bikos ol meri long Nu Nesen i luk slek tru. Sampela bilong ol ya i guria nogut tru na tromoi bal i

go nating long ol Demons. Ol i ting ol wantok i stap. Tasol ol i abrus stret.

Emily George bilong Nu Nesen i pilai gut tru. Tasol Susi Kalo na Peiru ol i luk olsem ol i les. Taim ol i tromoi bal ol i guria nogut tru. As bilong kain pilai olsem i olsem, ol i tren hat nogut tru na redi long dispela gren painal. Na taim pilai i kamap ol i tingting tumas na het i go longlong olgeta. Hap taim, ol Nu Nesen i kisim 6 na Demons 18.

Hap taim i pinis na bihain long 10 minit stret Peiru i kisim bal na brukim namba wan mak bilong ol.

Long sait bilong ol Demons, Margaret Ravusior wantaim Marian Walsh tupela i pilai gut tru long stat bilong ol. Tupela ya i blokim gut tru. Dekana na Peiru tupela suta bilong ol Nu Nesen. Na ol Nu Nesen tu i blokim gut ol Demons. Tasol long taim bilong sutim bal i go long net ol i save abrus tasol.

Dispela pilai i go, i go na long pinis bilong pilai, ol Demons i winim Nu Nesen 24-14. Pilaia bilong ol Demons i nogat tok long em. Ol i pilai gut tru stret. Taim ol i askim Veitu Rummery i ting wanem long ol Demons.

Em i tok. "Mi nogat planti toktok long mekim. Long wanem, mi save olsem bai ol meri bilong mi bai winim dispela gren painal."

Dispela ol meri long Demons, ol i save harim tok na kam olgeta taim long trening. Ol i tren long 3-pela de long wanpela wik.

Long dispela wiken bai i gat Sentral Provins Netbal Kanival. Dispela bai i gat 50 tims olgeta bai i pilai. Boroko Netbal Asosiesen yet, bai i makim tupela tim long go pilai insait long dispela kanival.



**BOROKO NETBAL TIM INSAIT LONG SENTRAL PROVINS KANAVAL**

**TIM WAN**

1. Grace Noka
2. Varai Yamo
3. Peiru David
4. Iga Lahare
5. Brijette
6. Kini Akaro
7. Mary Makaru
8. Janet
9. Keno
10. Paku Baru
11. Kila Vala

**TIM TU**

1. Atia Kule
2. Luma David
3. Kevani Seneka
4. Olive Tommaerfort
5. Gerega
6. Ila Kagi
7. Kila Tini
8. Mary
9. Hitolo Maha
10. Aseo Kilori
11. Theresa Oa



Bal i abrusim ring pinis na i laik kam daun. Nu Nesen wantaim Demons i redi long resis long kisim bal. Ol i mas traim na kalap liklik. Ol i ting ol longpela inap long putim han tasol na kisim. Man, em hatwok ya!



Dispela em poto bilong Nu Nesen tim. Ol i pilai wantaim Demons na ol i lus. Yu lukim ol i lap, tasol insait bilong ol i wari stret. Long wanem, ol i lus long gren painal.



Demons i win pinis na ol i sindaun amamas i stap. Sapos ol i lus bai ol i no ken sindaun olsem na lap i stap. Ol i no inap putim ai glas na soim tit olsem. I orait taim bilong yupela, neks yia bai yumi lukim.



Meri ya i kisim bal pinis na i redi tasol long salim i go long wanpelaia bilong em. Ol Demons i go we? Ating ol i go pinis long painim wara bilong dring. Yu save Mosbi i drai olgeta na ol aisblok tasol i pulap long arere bilong pilai graun.

**PHANTOM**  
COMIC

Dispela pin i helpim Pantom long go kamap long ples ol meri i kilim dispela man na stilim ol gol mani bilong em. Orait nau bai Pantom i stretim tok wantaim ol. Painimaut moa long taim yu ritim Pantom komik namba 740.

**NO 740**

# LAS WIK BILONG MOSBI HOKI

I gat tupela wik moa bipo long Mosbi hoki i pinis. Na olgeta tim insait long asosiesen i wok long putim ful pawa bilong ol i go insait long winim pilai.

Semi painal bai kamap long 4 Septemba. Na gren painal long 11 Septemba.

I luk olsem Sunam na Bismak bai pilai long A gret painal bilong ol man. Na long A gret tim painal bilong ol man. Na long A gret tim bilong ol meri, bai Sunam, na Sogeri i taitim bun. Long B gret, Konepoti na Bismak na long tim bilong ol meri, Kapit na Nomad.

Pilai i kamap namel long Sunam na Yuni i strongpela pilai tru. Long wanem tupela tim wantaim i gat wankain strong na stail bilong paitim bal. Olsem na taim Sunam i kisim bal i go antap, Yuni i karim i kam bek gen.

Paul Robb bilong Sunam i sanap long midfil na salim bal i go i kam long ol poroman bilong em. Na ol i pulim bal planti taim i go klostu long gol pos bilong Yuni. Tasol ol i no

inap tru long brukim difens bilong Andy Taiya na David Arua.

Ol fowat bilong Yuni i save kisim gut bal i go long hap bilong Sunam. Tasol ol straika bilong ol i save paitim bal kranki na popaia long mak. Em nau ol Sunam i save pulim bal na salim i go long mak bilong Yuni.

Ol hap bek bilong Yuni i slek liklik na i no banisim gut ol fowat bilong Sunam. Andy Taiya tu i no paitim gut bal long kona na banisim ol Sunam. Ol Sunam i siksti wantaim bal na winim hap bek na bomim gol bilong Yuni long pes hap na seken hap bilong pilai.

Tupela tim yu inap dro. Tasol Bob Moore i ran winim beklain bilong Yuni na putim wanpela gol. Em nau Sunam 1 Yuni 0. Skoa i stap olsem inap pilai i pinis.

Long pilai bilong ol meri long A gret, Togelulu na Magpies i bin kamapim smatpela pilai. Man! Ol Togelulu i givim hatwan long bal long fowat lain bilong ol. Magpeis i no inap stapim fowat lain bilong Togelulu. Bal i wok



*Yu no ken ting olsem hoki i isi gem. Nogat ya. Yu lukim ol rop bilong lek bilong ol pilai i tait i stap. Wari Kini bilong Konepoti na Tauna Veratau bilong Bismak (raithan) i taitim bun long kisim bal.*

Poto - John Brooksbank

long stap tasol long hap bilong Magpais.

Fiftin minit bihain long pes hap, Petronella Kavamura bilong Magpies i kisim bagarap na i lusim pilai. Em nau, Togelulu i ran wantaim bal isi tasol i kam na hamaim 3-pela gol olgeta. Olsem na long fultaim stret skoa i sanap olsem Togelulu 3 Magpeis 0. Dispela em i wanpela slek pilai tru Magpies i bin pilaim. Na Togelulu i amamas liklik, long wanem ol i wok long lus i kam inap nau.

Gem bilong ol meri i klostu pinis nau. Olgeta gem bai pinis long wik bihain.

Ol gutpela na strongpela gem bilong hoki i kamap las wik.

Gem i kamap long Sarere tasol, long wanem i no gat ples bilong pilai long Sande 15 Ogas.

Hia nau i skoa bilong ol dispela gem:

Man A Gret

Sunam 1 - Yuni 0.  
Bismak 2 - Kone 0.

Man B Gret

Sandgrop 5 - Difens (fofit)

Meri A Gret

Togelulu 3 - Magpeis 0  
Yunaitet 2 - PNGBC 2

Meri B Gret

Nomad 1 - Mosbi Hai 0  
Bismak 1 - Kapit 1  
Rokets 1 - Sogeri 1



*Esther bilong Nomads i karim bal i go. Yupela ya bilong Mosbi Hai i no inap long kisim bal long em. Nomads i winim Mosbi Hai 1-0.*



*Marie Ani bilong Yunaitet i putim stik bilong em long stapim Delailah Rupa bilong PNGBC. Tasol Delilah i no wari em i ran i go yet.*

## Meri Soka Long Mosbi



*No ken ting olsem ol meri i no save long straikim bal. Man, soka i no samting bilong ol man tasol. Taim ol meri i pilai bai kain kain stail i kamap. Olsem susa ya i putim soks tasol na pilai.*



*Meri wantaim bal em hap meri bilong trik tu ya. Sapos em i pilai wantaim ol man bai em i trikim ol olsem tu na bai i gat bikpela sem tru.*

# Parer Sil Pilai - Aitape



Ol pilaia bilong Malol tim i holim sil i winim. Sindaun pas: Zacary, Kales (kepten), Sarakum. (L-R) namel - Kalemo, Benedict, Sisi, Roles. (L-R) baksait - Salasu, Francis, Aten, Graham.

PLANTI taim long Wantok Niuspepa yumi save lukim nius bilong Mosbi soka na Lae soka. Wan wan taim yumi lukim ripot i kam long Wewak.

Orait, nau yumi lusim Wewak i go long san go daun na lukim stori bilong wanpela bikpela pilai i bin kamap namel long ol komyuniti skul insait long Aitape distrik, Wes Sepik.

Long namba wan de i go inap long namba tri de bilong mun Julai 13 komyuniti skul insait long Aitape distrik i mekim bikpela kikbal. Nem bilong dispela kikbal em i Parer Sil.

Wanpela bikpela bisnisan long Wes Sepik, Mista Parer i baim wanpela bikpela sil bilong ol skul pikinini i kisim resis long en. Orait, namba wan pilai bilong dispela sil i kamap long 1980. Pes Komyuniti skul i winim long dispela taim.

Long 1981 pilai i kamap gen na St. Anna Komyuniti skul i winim. Orait, long dispela yia, Malol Komyuniti skul i winim sil ya. Planti tim i laik kik.

Olsem na ol i stat long Fonde.

Ol i kik tasol i go na husat foapela tim i gat planti poin bai kik long painal. Long gren painal nau, Malol i kik egensim St. Anna. Long dispela taim tu, planti long ol pilaia bilong tupela tim wantaim i skin slek.

Malol tim i luk save olsem St. Anna tim i moa slek. Insait tasol long 5 minit bilong pilai, Kales bilong Malol tim i sutim namba wan gol. Kales wantaim tim bilong em i waraim tru St. Anna. Na St. Anna i

bekim wanpela gol tasol. Skoa em i 7-1.

Stail bilong pilai bilong ol dispela liklik manki i narakain tru long stail bilong ol bikman i save kik insait long Aitape. Planti tim bilong ol bikman i no save laik salim bal i go stret long arapela pilaia bilong ol.

Tasol ol dispela liklik boi, man, ol i kik narakain stret. Sapos ol i kam kik egensim ol boi bilong Mosbi, bai planti manmeri i mangalim tru kain stail pilai bilong ol manki Aitape. G. Rainsau

## HOKI DRO — WIK 14 Sarere, Ogas 21, 1982

### Stedium 2 - Graun 1

12.30	Sandgrop B V E'man	Man	Rongap/Pamb
1.40	Sogeri B V Sunam B	Meri	Tapo/Hebei
2.50	Bismak A V Sunam A	Man	Wari/Manoi
4.00	Yuni A V Kone A	Man	Clea/Hebei

### Stedium 2 - Graun 2

12.30	Pom Hai V Konepoti (B)	Man	Hebei/Poso
1.40	Rokets B V Pom Hai	Meri	Pamb/Chak
2.50	Sogeri (A) V Togelu A	Meri	Kili/Manoi
4.00	Sunam A V Magpies	Meri	Pumb/Chak

### Sande, 22 Ogas

### Stadium 2 - Graun 1

9.30	Kapits V Mgpies B	Meri	Tapo/Rongap
10.40	Difens B V Bismak	Man	Poki/Poso

### Stadium 2 - Graun 2

9.30	Nomads V Bismak B	Meri	Poki/Kili
10.40	Devils V PNGBC	Meri	Pumb/Hebei

TIM BYE: United Meri Sunam Man

# Soka Kosa Kos



Andy Seward, Dairekta Bilong Spot Institut long Goroka, i bin ranim wanpela soka kos long Yunivesiti insait long Mosbi. Em i tok dispela em i namba 6 taim nau em i ranim dispela kos. Dispela kos i bin stat long 14 Ogas na pinis long 19. Insait long dispela kos i bin gat 16 man na 2-pela meri. Long pinis dispela kos bai i gat 125 manmeri olgeta i save pinis long kain wok pilai. (R-L) Baksait - Andy Seward Bobbie Nemboing, Baku Koibi, George Baure, Jim Kissinger, Mariori Bouda. Namel - Patrik Dare, Ugia Kiroki, Mudrian N. Luke Patjole, Felix Kofena, Kolis Pombuai, Nambawan lain - David Petelo, Qwetin Pambuai, Nialin Karol, Rose Bukoya, John Mogi, Soina Ravu.

# Redi Long Komonwelt Gem

**PLANTI** pairap na meknais i wok long kamap insait long Mari Berek Haus Trening. Dispela em ol boksa bilong makim PNG long Komonwelt Gem i kalap kalap na asasait i stap.

Taim Menesa, Dick Larry na Trena Steven Beli i singaut na hariapim ol boksa long mekim hatpela trening. I gat 9-pela boksa tasol long makim PNG long Komonwelt Gem. Sikis-

pela tasol i wok long kisim trening i stap. Narapela tripela i no kam long Mosbi yet.

Zoppa Yarawi bilong Goroka, M. Ririan bilong Not Solomons, na Tovin Mesulam bilong Rabau i no kam. Trening bilong ol i bin stat long mun Julai yet i kam inap nau. Ol i save ran long rot olgeta moning na apinun. Na long 5 klok i go inap long hap pas 6 long apinun ol i wokim kain kain asasais insait long Haus Trening.

Hia em nem na wan wan wet o divisen ol boksa i makim:

1. Zoppa Yarawi - Lait Flaiwet. 2. Tovin Mesulam - Bantamwet. 3. L. Ruru - Fetawet. 4. M. Ririan - Laitwet. 5. Vincent Kokovi - Junia Weltawet. 6. Obert Keri - Flaiwet. 7. Boas Piamora - Lait Midelwet. 8. Michael Rau - Midelwet. 9. Leslie Monisa - Lait Heviwet.

Planti bilong ol dispela boksa i tok, "Mipela bai makim kantri bilong yumi na pait long

Komonwelt Gem. Planti boksa bilong ol narapela kantri olsem Jamaika, Kanada, Nu Silan, Afrika, Australia na arapela kantri moa bai resis. Mipela bilong

PNG i no inap tok promis nau, tasol bai mipela i trai hat long win."

Menesa na Trena tu i tok, "Ol boksa bilong

yumi i strong na ol i wok long tren hat tru i stap.

"Mipela i no amamas tumas. Long wanem ol boksa yet bai kisim

mani long poket bilong ol. Na ol bai baim balus long go daun na kam bek. I no gat bikpela helpim i kam long Gavman."

Ben Wauns




Boas Piamora (Lait Midelwet) i kalap kalap long rop. Dispela trening bai givim strong long masel bilong lek. Em bai kalap kalap na i no inap sotwin hariap.



Daun!.... Ap!.... Daun!.... Ap!!!! Ol boksa i mas mekim olsem planti taim. Nil daun na sanap. Dispela eksasais i bilong strongim skru na masel long lek.



Michael Rau (midelwet) i traim bun wantaim narapela Difens Fos boksa insait long Mari Berek Haus Trening. Michael bai go daun long Komomwelt Gem olsem na em i mas traim bun moa yet.



Oloboi! Obert Keri (flaiwet) i tromoi lep han long Ray Arua tasol han i sot. Lep huk bilong Obert i save putim daun planti boksa. Obert i redi long go long Komonwelt Gem. Ray Arua i nogat.



COLLEGE of EXTERNAL STUDIES

# Going Places

High School at home - COES helps you with your studies.



COLLEGE of EXTERNAL STUDIES

No. 10

## ENVIRONMENT

COES has environmental studies courses for grade 9 and grade 10 students.





## WATER

To stay alive, we all need.....  
One reason we need to have water is because we are **MOSTLY** water! (65%).

How much water is there in a man?


Well, if you took the figure of a man, and put all the water in his body in one part of the figure it would come up to his elbows!



65%

We get most of our water by drinking. Drinks such as milk, lolly water, kulau drink etc are mainly water.

We also get water by eating. There is a lot of water in fruit, vegetables and meat. Even 'dry' foods like nuts have some water in them.




PINEAPPLE 87%



TOMATO 95%



HERRING 67 %



CHICKEN 74%

Answer this question:  
Which of the following foods have water in them?  
KAUKAU, CORN, PIGMEAT, EGGS, AIBIKA, CABBAGE, BISCUITS, OKARI NUT, ICE CREAM, FISH, SUGAR CANE, FLOUR. Look at the answer upside down below.

ANSWER: All of them have water.

## CHALLENGES OIL AND WATER


To do this challenge you will need: a small jar with a lid, cooking oil, water, an egg.

People often say that oil and water don't mix. Do you think that is always true? Try this challenge to find out.

1. Put a little water in a jar, then put the same amount of cooking oil in the jar. The oil is lighter than the water so it floats on top.




2. Put the lid on the jar. Ask a friend if he can make the oil and water mix. He can shake the jar very hard.



.....but a few seconds after he stops the oil and water are separate again.

3. Carefully break an egg and let some of the clear part of the egg fall into the jar. Now put the lid on the jar and shake the jar. The oil will break into tiny drops and it will mix with the water.



### WHY DOES IT WORK?

The clear part of the egg contains a substance called cholesterol (KO-LESS-TER-OL). There is cholesterol in your body too. It breaks up any oil or fat you eat into tiny drops so that your body can use it.

If you would like to know more about studying with COES write to:

The Principal  
College of External Studies  
P.O. Box 500  
Konedobu

Your name .....

Address .....

.....

.....

.....

I am interested in enrolling in:

Grade 7

Grade 8

Grade 9

Grade 10

(Please tick  one box only)



# Living and Learning




## Paying With "Money"!

In earlier editions of GOING PLACES we learned about Money. We saw that our money is made up of notes and coins. (We call this "CASH").



Because our money is legal tender we can use it anywhere in Papua New Guinea.



Later we saw that it is not wise to send money in the post, because money can easily be lost or stolen. It is much wiser to send a POSTAL ORDER, like this:

038379 THIS IS YOUR RECEIPT FOR K2 SENT TO

Papua New Guinea  
**POSTAL ORDER**  
Payable at any Post Office in Papua New Guinea

038379 K2

Pay to: TWO KINA

FEE: TWENTY TOEA

Signature of Payee

Postmark of Paying Office

When the payee receives the postal order, they take it to the post office and get the money for it. Paying by postal order is not the only way to pay people by post. A lot of people use another method of payment. They pay by using a CHEQUE (pronounced "CHEK"). Here is an example of a cheque.

No. 004

DATE: 24/11/89

TO: C.O.E.S.

FOR: Study fees

Balance brought forward	50	00
DEPOSITS		
TOTAL		
THIS CHEQUE	30	00
Balance carried forward	20	00

THE PACIFIC BANK LIMITED  
PORT MORESBY P.N.G.

DATE: 24/11/89

PAY: College of External Studies OR BEARER

THE SUM OF THIRTY KINA K30-00

SPECIMEN ONLY  
For use in schools  
Bilong skul tasol  
Sikuli sibona dekenal

U. Levo

But how do I pay them the money? And how do they get money for my cheque?



Good questions!

Suppose you wanted to pay C.O.E.S. for your study fees. You would fill in a cheque making it payable to the College - like this:

No. 004

DATE: 24/11/89

TO: C.O.E.S.

FOR: Study fees

Balance brought forward	50	00
DEPOSITS		
TOTAL		
THIS CHEQUE	30	00
Balance carried forward	20	00

THE PACIFIC BANK LIMITED  
PORT MORESBY P.N.G.

DATE: 24/11/89

PAY: College of External Studies OR BEARER

THE SUM OF THIRTY KINA K30-00

SPECIMEN ONLY  
For use in schools  
Bilong skul tasol  
Sikuli sibona dekenal

NOT NEGOTIABLE

U. Levo

THE BUTT (YOUR RECORD)

AMOUNT IN YOUR ACCOUNT BEFORE THIS CHEQUE

AMOUNT LEFT IN YOUR ACCOUNT AFTER THIS CHEQUE

AMOUNT IN WORDS

YOUR SIGNATURE (THE DRAWER)

DATE

CHEQUE NO

AMOUNT IN FIGURES

The left hand side of the cheque form is called the "BUTT" (just like a postal note's butt). This is your record of the payment. It tells you who the money was paid to, the date, what the cheque was for, the amount of the cheque, the cheque number, and how much money is left in your account at the bank.

The right-hand side (the bigger side) is the actual cheque. If you look carefully at it you will see who the cheque is made out to, the date, the amount (in words and figures), your signature and the cheque number.

When the cheque has been written out, it is then torn away from the butt and sent to the payee - in this case the College of External Studies. You keep the butt.

No. 004

DATE: 24/11/89

TO: C.O.E.S.

FOR: Study fees

Balance brought forward	50	00
DEPOSITS		
TOTAL		
THIS CHEQUE	30	00
Balance carried forward	20	00

THE PACIFIC BANK LIMITED  
PORT MORESBY P.N.G.

DATE: 24/11/89

PAY: College of External Studies OR BEARER

THE SUM OF THIRTY KINA K30-00

SPECIMEN ONLY  
For use in schools  
Bilong skul tasol  
Sikuli sibona dekenal

NOT NEGOTIABLE

U. Levo

BUTT

CHEQUE

Why are the words "NOT NEGOTIABLE" written on the cheque?



Where can I get a cheque from?



You get books of cheques from a bank. You first have to put money into the bank and ask for a cheque account. If the bank thinks that you are a sensible person, they will let you open a cheque account. Once the bank gives you your cheque book you can then write out (draw) cheques to pay for things. You do not have to use cash.

This is done for safety. This means that nobody else can cash the cheque. Only the C.O.E.S. can get the money for the cheque. When the College receives the cheque they can put it into their bank. Their bank then gets the money from yours.

If you did not put two parallel lines across the face of the cheque and write "not negotiable" in between the lines, anyone could cash the cheque and get the money.


If you do put two parallel lines across the face of the cheque NO-ONE else will be able to cash it and get the money.



## PROGRAMME 21: "HOW COES COURSES ARE PRODUCED"

(Broadcast on Thursday August 28th at 6.10 pm on RADIO ONE).

This programme goes through the process of production of finished COES courses from the lessons written by teachers. Here is the process in a diagram. Try to follow this in the programme.



The steps will be described by Jim Hammersley, seen here at his desk in the Production Department:



Jim will take you around the Department and introduce you to the people.



One of the people you'll meet is Kua Simbai. He's the head artist. He made the drawings for this week's competition. Here he is working at more drawings.

## PROGRAMME TWENTY-ONE COMPETITION

YOUR NAME: \_\_\_\_\_

YOUR ADDRESS: \_\_\_\_\_

ARE YOU A COES STUDENT? \_\_\_\_\_

1. Here are 6 of Kua's drawings. Write underneath the expression you think they show. Here are some possible expressions:




sad, happy, puzzled, angry, worried, surprised.



2. Draw a face here, and write what expression it shows:

SEND TO RADIO CLUB  
COES, BOX 500, KONE DOBU.



**Lukim mani bilong yu  
kamap bikpela, winim**

**8%**

OLGETA YIA  
LONG PASBUK AKAUN WE MANI  
BILONG YU I REDI TASOL.  
NA MOA LONG

**11.5%**

OLGETA YIA  
LONG MANI BILONG YU I STAP  
ANINIT LONG K50,000 NA SPESEL  
WINMANI LONG MANI I WINIM K50,000  
YU KEN KISIM MOA TOKSAVE LONG  
NIU SAUT WELS BENG LONG  
HAP BILONG YU.



BANK OF NEW SOUTH WALES  
( PNG ) LTD.

**EXTENDED SEASON  
DUE TO PUBLIC DEMAND**  
NATIONAL THEATRE COMPANY PRESENTS

**THE BAD TIMES**



### THE BAD TIMES.

Based on Albert Toro's  
Radio Play  
SUGAR CANE DAYS

VENUE: University Open Theatre

DATES: August 19th, 20th, 21st, 24th, 25th and 26th

Admission fees:

K2.00 Adults  
0.50 Students  
0.20 Children.

TICKETS:

University Book Shop  
Brian Bell Boroko.

# Stories from many Lands

## The Little Pigs

This week's story comes from Scotland.

There was once a pigs' house where they were very crowded. The old sow had a younger family, so one day she sent out Dennis and Biddy and Rex to find their fortunes for themselves. They wandered on and on. The wind was blowing, and it was snowing and raining at once, and oh! but their trotters were sore! So they sat down by the roadside, under the shelter of a wood. They sat for an hour. They had but one pipe and one match between them, and Dennis lent his pipe to Rex, and Rex dried the match in his hair, for it was soaked, and he sat and smoked the pipe. Presently they heard a cart coming along, and it was loaded with straw. Biddy thought she'd build herself a house, if the man would give her some straw. And the man was very kind and obliging, for he was sorry for them, turned out of their Mother's house on such an awful day, just because Dennis had trod on one of the little piglets by mistake.

So he gave them the straw, and some matches too, and Biddy built herself a cosy little house. The other two were sitting a little longer, when they heard a cart coming up with planks of wood on it, and who should be driving it but Jimmie McLaunchlan, who was at school with Dennis. So Denis asked him for some of the planks of wood, to build himself a little wooden house. And Jimmie gave it to him willingly. Well, Dennis had hardly set to work when a

lorry came up the road, with a load of bricks on it. Rex cried to the man, and he stopped, and threw out as many bricks as Rex needed to build himself a brick house. And there they were all settled for the night. But as Biddy was sitting in her cosy house, she heard someone knocking. "Is that you, Dennis?" she said. "Oh, no, it's an old friend," said a voice that she knew well. "Just let me in, I have news for you." "Oh, no, I'll not let you in," said Biddy, for she knew the wolf's voice when she heard it. "Then I'll puff and I'll blow, and I'll blow your house in," said the wolf, and he blew so hard that all the straw scattered. But just as he got in at the front door, Biddy ran out at the back, and went to Dennis' house. "He'll not blow this down," said Dennis. At that moment they heard the wolf at the door. "Let me in, I've a great piece of news for you." "No, we'll not let you in," they said. "Then I'll puff and I'll blow and I'll blow your house in." And he blew so hard that he blew all the planks apart, and Biddy and Dennis had only time to get out of the back door, and scamper to Rex's house before the wolf was in at the front.

He raced on after them to Rex's house, but though he puffed and he blew, he couldn't blow it down. So he crept up on to the roof to jump down the chimney. But Biddy had given Rex some straw to make a bed, and when they heard the wolf on the roof he threw all the straw on the

fire, and it blazed up, and burnt him to death. So they hooked him down the chimney, and cut him up into pieces, and roasted him for their supper.

Scotland










MOA SPARKA  
YU DRINK  
MOA FRI SPARKA  
YU KISIM

**Hei ol Amigos!**

Noken toromoi ol Sparka botoltop, bai mi givim yu wanpela fri Sparka long olgeta wanpela ten faiv Sparka botoltop yu kisim ikam long Sparka fektri.

na tu

Amigos olgeta taim yu kisim ol botoltop ikam, bai mi raitim nem wantaim namba bilong ol botoltop. Long namba 31 de bilong mun Disemba wanem man igat bikpela namba bai winim wanpela gutpela Redio Keset Plea.

**Resis bai pinis long namba 31 de bilong mun Disemba**

**Hohola Softdrinks Pty. Ltd., Koani St., Gordons.**

HEB 1687



**Business Communications**

# PHILIPS

**TELEPON I GAT NEM LONG WOK BISNIS**

Nau ol bisnis i laik wok bilong ol i mas ran gut. Na wanpela namba wan samting bilong gutpela wok bisnis em telepon.

Tasol sapos yu laik kisim gutpela sevis long telepon bilong yu, orait, painim wanpela kain telepon i ken helpim yu moa yet. Dispela telepon i mas stap gut oltaim, na i no hatwok long yusim. Na i ken sevim planti taim na mani bilong yu! Nau Philips i gat ol nupela telepon we i gat D1200 Series Philips Digital PABX. Dispela telepon i ken

mekim ol wok bilong yu wantu na stretim ol wari bilong yu.

Dispela D1200 Series i save bihainim nupela na smatpela we bilong mekim ol wok bilong yu. Nau i gat ol hanwas na ol poket kalkuleta tu i save bihainim dispela rot. Na Philips D1200 Series tu i wankain olsem. Dispela telepon i no inap mekim planti nois olsem ol olupela telepon. Na sais bilong em tu i liklik tasol em i save winim wok bilong ol arapela telepon nating. Na dispela telepon i ken stretim ol wari long ol telepon long bisnis bilong yu.



## D1200 SERIES

### PHILIPS DIGITAL PABX

For further information contact

**PHILIPS TMC. PHILIPS TELECOM. P.O. BOX 9043, HOHOLA. PHONE 25 2555**

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.